

بِسْمِ اللَّهِ

الَّذِينَ آمَنُوا بِهِ

فِي رِثَاءِ

الْعَلَمَةِ الْمُنْصَوِّمَةِ

لِنَاظِمِهِ

سَلَامٌ عَلَيْكَ يَا مَنْ سَوَّرَ لِسْمَكَ يَا مَنْ لَمْ يَزَلْ فِي رِثَائِي

الْجَيْفُ الْأَوَّلُ

مُحَقَّقُ الطَّبَعِ مَحْفُوظَةٌ لِلنَّاسِطِ

وَالْبَلَدَةُ الرَّقِيَّةُ ١٩٩٢ هـ - ١٤١٢ هـ

١٥٥


الذَّكْرُ الْمُنْتَوِيَّةُ
فِي رِثَاءِ
الْعَلَمَةِ الْمُنْتَوِيَّةِ

لناظمه

سَلَّمَ صَلَاحُ سَلَامَتُكَ وَسَمِيحِي وَرِثَايُ رِثَايُ

الجزء الأول


حقوق الطبع محفوظة لناظمه
١٤١٢ هـ - ١٩٩٢ م



جميع حقوق الطبع والنشر والاقتباس محفوظة

لا يحق لأي شخص أو مؤسسة طباعة
أو ترجمة هذا الكتاب أو جزء منه إلا بإذن
خطي من عائلة المرحوم المؤلف.

| صورة الناظم |



صلاحُ أسمى وأصلي حب حيدرة
لا يصلح المرء إن لم يغد معتصماً
وهذه صورتى يا صاح واضحة
لما عرى المصطفى والآل من محن
وبالولا والدي يا صاح منصور
كالمشمس اما فؤادي فهو مشطور
بالحسم ذاك وذا بالسيف منحور
كما لها بكت الولدان والخور
مصائب هزت الأرجاء قاطبة

صلاح ملا منصور الشهابي

الإهداء

إلى العالمة الفاضلة.

إلى بطلة كربلاء.

إلى صوت الثورة الحسينية.

إلى رمز الصمود في مواجهة الطغيان.

إلى كعبة الرزايا والمحن.

إلى عقيلة الطالبين وأبنة أمير المؤمنين.

إلى الحوراء زينب بنت أمير المؤمنين علي بن ابي طالب (ع).

أقدم هذا المجهود المتواضع راجياً القبول.

... الناظم ...

صلاح الملا منصور الشهابي

كلمة وقصيدة

تفضل بهما مشكورا الخطيب الكبير
ملا محمد جعفر بن الشيخ محسن العرب.

بِسْمِ اللَّهِ الرَّحْمَنِ الرَّحِيمِ

الحمد لله رب العالمين والصلاة والسلام على من لا نبي بعده
محمد وآله الطاهرين وبعد:

فان ملحمة الطف قد شدت عشاق الحق من العرب وغيرهم إليها
فأثروا المكتبة الإسلامية بنشرهم وشعرهم، وكان من ضمنهم شاعرنا الشاب
الملا صلاح بن ملا منصور الشهابي الدرازي.

قد اتحفنا بديوانه القيم (الدرر المنثورة في رثاء العترة
المنصورة)، وقد رأيت بعد تصفحي له ونزولا عند رغبة ناظمه
أن أقرضه، وإني بعد هذا السرد القصير أرى أن هذا اللون من
الشعر الجيد، جديرٌ بالاعتناء، وأنه أن دل على شيء فإنما يدل
على الإيمان الصادق بحب الرسول وأهل بيته صلوات الله عليهم
أجمعين، وفي الختام أسأل الله تعالى له التوفيق ومضاعفة الأجر
إنه سميع مجيب.

... الفتى سر أبيه ...

يا ابن منصور جزاك الله خيراً
وبه قد صرت ممن نظموا
وبهذا صرت من خدامهم
سر بهذا الدرب تحظى منهم
ليس بدعاً منك هذا أبداً
فأبوك الفذ منصور الذي
فله فن عميق غوره
أنت منه نسخة موثوقة
قد نظمت الحب فيما قلته
ولقد أبصرت فيه ألماً
أنا فيه لم أبالغ أبداً
إنما حل بآل المصطفى

قلت في آل رسول الله شعرا
في نبي الوحي خير الناس طرا
وسيبقى لك ما قد قلت دخرا
برضاهم وبه تكسب أجرا
ليس بدعاً وبه قد نلت فخرا
قد قرأنا فكره نظما ونثرا
فاح طيباً وبه البحرين أدري
ليس بدعاً أبداً أن فحت عطرا
وأراه بالحسين السبط برا
يعصر القلب كما أحسست عصرا
فلقد قلبته بطناً فظهرا
من مصاب فله الأعين عبرا

الملا محمد جعفر

بن الشيخ محسن العرب

البحرين

كلمة المشرف على ديوان

كلمة المشرف على ديوان الاخ العزيز محمد حسن ملا منصور
الشهابي الدرزي.

الحمد لله الذي خلق الإنسان من العدم وأنار له الظلم
وعلمه ما لم يعلم، والصلاة والسلام على رسوله المصطفى
وحبيبه المجتبي وعلى آله المصطفين الاخيار، الأبرار الأطهار، من
قال فيهم جل شأنه (انما يريد الله ليذهب عنكم الرجس أهل
البيت ويظهركم تطهيرا).

إن مأساة الطف التاريخية التي حلت بآل الرسول (ص)، مأساة
لن تنساها الانسانية مهما طال الدهر او قصر، لأنها ليست
كالكثير من الوقائع التاريخية الأخرى، فهذه المأساة انما خلدت
وستخلد إلى أن يرث الله الأرض ومن عليها كونها حدثت من
أجل الله وفي سبيل الله.

وقد تناول الكثير من الكتاب والأدباء والمؤرخين والباحثين
والشعراء على امتداد الحقبة التاريخية المتلاحقة ومالأوا بطون
الكتب شعراً ونثراً بثرائها الضخم، ولا زالت الكثير من المؤلفات
التي تطالعنا يوماً بعد يوم وهي تتناول هذه الواقعة شعراً أو
نثراً.

واليوم عزيزي القارئ ترى بين يديك الكريمتين أحد تلك
النماذج التي ساهمت من خلال هذه الرثائية في إبراز تلك
المأساة التي ألمت بالعالم الإسلامي قاطبة.

وقد أتحت لي فرصة النظر في هذه المنظومة الشعرية قبل أن
تأخذ طريقها للنشر، فتأكد إلى أنها قد نبعت عن قريحة خلابة.

فلقد أطلت النظر في تلك الكلمات والعبارات التي صاغتها
شاعرية المؤلف فرأيتني أحلق من خلال تلك المناظر التي رسمها
والتي تنم عن مقدرة على التصوير المبدع المؤثر في أجواء الطف
حيث المأساة، حيث كربلاء ومصائب ال البيت (ع)، نعم لقد
حملتني تلك المشاهد إلى تلك البقعة من العالم فخلتني أرى تلك
المأساة من خلال تلك الأبيات والمقاطع التي صاغتها ذهنية هذا
المؤلف الشاب الذي أبى إلا المساهمة بجهده في هذا الشأن العظيم،
صور تعصر القلب ألماً وحسرة.

أخذتني حيث الحزن والدموع، وحيث الرسالة الخالدة تشق
طريقها عبر سيول الدماء الطاهرة والجثث الزكية المخرجة
بالدماء، وحيث انين القتلى وبكاء الثواكل وصراخ الأطفال وحنين
الأرامل، حيث اعضاء الصبية والرضع وهي متناثرة هنا وهناك،
وحيث الكل يهرب له في تلك البيداء بحثاً عن مأوى حيث بشاعة
الجرم ترسم بوضوح على تلك الجثث الطاهرة النقية.

خروج الربي الملمي من كربلاء إلى الكوفة والشام ومن ثم
العودة إلى حيث الأهل والوطن وما جرى على آل الرسول (ص)،
خلال تلك الرحلة المأساوية، كل هذه المشاهد المؤثرة ستجدها
عزيمي القارئ وأنت تقلب هذه الصفحات وتقرأ تلك الأبيات
التي ولا شك ستكون إضافة قيّمة في هذا المجال.

اسأل الله جل شأنه أن يوفقه لما فيه الخير وان يعينه على
مواصلة هذا النهج خدمة لأهل البيت عليهم السلام انه سميع
مجيب.

محمد حسن منصور شهاب
في الرابع من رجب، ١٤١٢هـ

كلمة الناظم

بِسْمِ اللَّهِ الرَّحْمَنِ الرَّحِيمِ

الحمد لله رب العالمين والصلاة والسلام على أشرف الخلق
اجمعين وخاتم الانبياء والمرسلين والشفيع يوم الدين، وعلى آله
الطيبين الطاهرين، وبعد:

فإن من توفيق الإنسان أن يتجه لخدمه اهل البيت (ع)، ناشراً
فضائلهم متمسكا بهديهم، منتهجاً مناهجهم، سائراً على الدرب
الذي رسموه بجهادهم وتضحياتهم العظيمة، يتخذهم القدوة
والمثل الاعلى في حياته ليحظى بسعادة الدارين.

وقد من الله علي بنعمة ولاء من أذهب الله عنهم الرجس
وطهرهم تطهيراً، وفقني لخدمة اهل بيت العصمة ونصرتهم
باللسان والقلم، متضرعاً إليه جل شأنه ان يجعل هذه النصرة
زادا لي يوم المعاد، يوم لا ينفع مال ولا بنون إلا من أتى الله بقلب
سليم.

وبين يديك، عزيزي القارئ: الجزء الاول من كتابي المسمى

(الدرر المنشورة)، يضم ما جادت به قريحتي المتواضعة، وما وفقني الله فيه، معترفاً بقصوري عن مسaire الشعراء والكتاب الذين تناولوا ملحمة كربلاء مدحا ورثاءً، مطلعاً بهذا الجهد المتواضع الى ثواب الله وغفرانه، وشفاعة نبيه وآله، راجياً صفحك عما يصادفك من أخطاء، ملتصقاً دعاء اخواني المؤمنين، لمواصلة هذا الدرب وتقديم الجزء الثاني من هذا الكتاب، واخر دعواهم ان الحمد لله رب العالمين وصلى الله على محمد وآله الطيبين الطاهرين.

... الناظم ...

صلاح ملا منصور الشهابي

احاسبوا أنفسكم قبل أن تحاسبوا

حاسب النفسك بين آدم وأفتكر زين
طالت أيامك لو اقصرت جدامك البين
لا تغرك الدنيا ولا ايغرك شبابك
اعمل عمل لك زين ينجيك ابحسابك
بالحشر متفيدك أصحابك ولا أحبائك
أتفيدك أعمال طيبة دير الفكر زين
أتفيدك أعمال طيبة وامحبة الآل
أتمسكك بيهم ابينجيك أمن لهوال
من حبهم وعادى عدوهم الظفر نال
وكل من نصب ليهم عداوه امن الحضيضين
لا تقذف ابهذا ولا تقذف ابغيره
ولا تصير كالمستهتر وبايع ضميره
خل نصب عينك نومك ابوسط الحفيره
بعد الجمع وحدك بلا أهل ومحبين
أدّي صلاتك في وقتها دون تأخير
والصوم حاسب لا تجرحه أبفعل احقير
وأعلى كل حال أحمد الباري العاقبة خير
رب كريم وعلى الشدات الصبر زين

زكي وخمس وإن شفت بيك إستطاعه
حج بيت ربك حجتك لله طاعه
ولا لتتكبر اعلى فرد ولا جماعه
وإن ردت تصحب لك أحد أصحاب الطيبين
وعندي نصيحه ولو متأخره أشويه
لا تعصي من وصى أبهم رب البرية
الوالدين أقصد يمن تصغي إليه
لازم على طول الدرب ليهم أمطيعين
ما ريد أجر منك على هذي النصيحة
أجري على الله خالق الدنيا الفسيحه
أسئله أيوفقنا للعمال الصحيحه
وأزكى السلام أعلى النبي وآله الطيبين

إفي وصية النبي (ص) الأمير المؤمنين (ع)|

يمي تدني بالعجل يا بحر العلوم
عندي لك أوصيه قبل ينزل المحتوم
يابو الحسن ليفاضت الروح الزكية
أمسح ابها وجهك يبو نفس الأبيه

وغسلني وكفني وصل عليه
وأبفضك أنزلني وسط لحدي يجيدوم
وأوصيك يا أبو الحسن بالدره الثمينه
شمامتي لتضيع يا منجي السفينه
چني أعاينها بعد عيني حزينه
تنعي على إفراقي ومنها الدمع مسجوم
وأوصيك بولادي يحيدر حسن وأحسين
لا تصد عنهم يا علي يمشيد الدين
وليمن بجوا سكت بجاهم يا ضيا العين
وعينك على زينب الحورا وأم كلثوم
وعندي خبر لك لازم أتسمعه ولترتاب
بالسيف رأسك ينشطر وسطه المحراب
وبنتي الزهرا يعصروها ابصاير الباب
وينوكز مسمار أبصدرها وتنزف أدموم
وضلعين تتكسر بوسط البطن ليها
وأجنينها أتسقطه غصب ويلى عليها
وأعيونها تحمر من اللطمه عليها
وانته ابحمائل سيفك أيقودونك القوم
والحسن قلبه بلسموم ايقطعونه
وأحسين ظامي ابلد غربه يذبحونه
ويبقى ثلاث بالعرى ما يشيعونه
والجسد بخيول الا عادي ايروح محطوم

واللي ذكرته يا علي لك من مصائب
أدري نحل جسمك وخلي القلب ذايب
أتحمّله بالصبر ياليت الحرايب
ملزوم منك الصبر يا بو حسين ملزوم

| فاطمة (ع) عندما رأت أباهما على المغتسل |

أعلى المغتسل شافت أبوها امددينه
صاحت يبويه وحشت الدنيا علينا
ياليت واروني يبويه وسط اللحود
ولا شوفك أعلى المغتسل هاليوم ممدود
من بعد عينك يا حبيبي وين تسعود
تسعود بعد أمفارقك ويني أوينه
أعلى المغتسل ممدود ليت أمدديني
ياليت قبلك يا حبيبي أغمضت عيني
وياليت قبل أيلحدوك أيلحدوني
العيشة بعد عينك ترى قشري علينا

ليتام ضاعت والأرامل يا ضيا العين
ومنبرك يا عزي أودلاي أصبح أحزين
والدين لجلك يصفج اليسرى بليمين
والكعبة لجلك غدت يا بويه حزينه
والمرتضى يسمع أودمع العين منثور
معذورة يا شيعه وأبو الحسنين معذور
قلها أصبري وفوضى الأمر يا زينة الحور
فوضى الأمر لله وطريقه سالكينه
موته أبقلي ترك يم الحسن جمره
وصارت حياتي من بعد فرقاه مره
وأدري أنا أبقلك مثل قلبي يزهرا
أشبيدك وأنا أشبيدي أعلى سلطان المدينة

* * *

|اعتاب لأمير المؤمنين (ع)|

فاطمه ما تقدر أعلى روعها چيفه أصبرت أعلى كسر أضلوها
فاطمه عندك عزيزه يالولي وكل ضيم أيصيها بك ينجلي
چي رضيت العدو يهجم ياعلي ويعصر الزهرا ويرض أضلوها

عجب والله عجب يا حامي الجار جالس أو تدري العدى حايظه الدار
أتصيح أخرج والا أضرمنها نار ليش ما قمت أو نسفت أجموعها
لو قمت ما حد كفوا نار ضرم لو قمت ما حد كفوا منهم هجم
وكسر ضلع الزهرا أو خدها لطم وأسقط المحسن أو زيد لوعها
لو قمت ما حد كفوا ايمس زوجتك ولا أقدروا أيحطوا الحبل في رقبتك
قايد أو تنقاد وينه سطوتك بالحرب عالقوم اوفاني أجموعها

في رثاء الزهراء (ع)

يليّ ظلمت الزهرا وإشفاعله تظلمها
تكسر ضلعها أو بيدك فوق الوجه تلطمها
وإشفاعله تعصرها ما بين باب وحايط
تقلك لتدخل بيتي ولنك إليها ضاغط
ضلعين ليها إنكسرت والها جنين ساقط
وأبصدرها إنشب ليها مسمار سيّل دمها
ومن عظم ذيك العصرة خرت يويلي أعليها
فوق لعتاب أبحاله مشجيه وأغشي اعليها

ولمن أفاقت نادت يافضه أوجت ليها
شافت الزهرا أبحاله أقلوب الصخر يألمها
إلتفتت إليها ونادت الصدرك يفضه أخذيني
مقدر أنا أعلى النهضه قوم العدي
ونادي على بن عمي هالسا يفضه أيجبيني
أيشوف أشجري أعلى البضعة الما يرضي حد يهضمها
صاحت أبكل الصابك عنده علم يازهرا
عاین مبین الحایط والباب الك منعصره
معلوم چبده لجلک یمّ الحسن منظره
حاله نحل لي جسمي ونار القلب أضرمها
صاحت عجل يافضة حيدر درى بمصابي
وعاین إلى معصورة بین الجدار وبابی
وأشعوقه ما غائني بو حسين وهو موسى بي
معلوم إنه مقيد بوصية كاتمها
لكن مشوفه قالت طلعاوا به أيقودونه
أبحلقه حمايل سيفه أشحالك لو أتشوفينه
صاحت أبهمه قومي خوفي العدي أیذبونه
وتصبح يفضه أولادي أبلیا ولي بیتمها
طلعت وشافت حيدر حوله الخلق ملتمه
متمالكت یاشیعة وظلت تنادي با سمه

خلوه لكشف راسي وأترك الدنيا أمظلمه
صاح العدو أبعده سل سوطك أو ألمها
وأقبل يشيعه ليها وبالسوط ظل يضربها
وحيدر يعاين ليها وأمدامعه يسكبها
لولا الوصية ماخذ منهم كفو يقربها
التفتت يا شيعه وظلت تعتب على بن عمها
أنقله يحيدر ترضى أضر بوني وأنته تنظر
وأنته مهى أمن العادة إشلون أعلى ضيمي تصبر
كسروا إضلوعي والعبد سوطه أعلى متني أنكسر
قلها على لمصيبه صبري يزهرأ أوهمها
لولا وصية والدك هالقوم ماذلتني
ولا كان كسروا أضلوعك ولا صحتي أسودمتني
لكن وصية والدك أمقيد أنا خلتني
لولا الوصية الا عدا خليت يجري دمها

|| في رثاء الزهراء (ع) ||

من قضت بضعة الهادي قام حيدر بالعجل
شمر اردانه الشفيه وشالها للمغتسل
وضعها على المغتسل والقلب منه في التهاب
وزادت احزانه يشيعه يوم جردها الثياب
وجد ضلعين أبطنها أمكسره وعاین صواب
في صدرها والدمع منه على خدوده أنهمل
يصيح باغسلك يازهرا ولضلوع أمكسره
ولطمة الطاغي ابخديك يا بتوله أمأثره
وجرح مسمار النشب بالصدر آثاره ترى
حالتك فطرت قلبي والجسد مني أنتحل
يا بتوله سامحيني أعلى المصيبة اللي جرت
ما هو أقصور يزهر لي الوصية قيدت
عينك الطاغي لطمها ولضلوع أتكسرت
وأسقطوا اجنينك أبعصره وأنا قادوني بحبل
من بعد ماتم غسلها جسمها لفة أبكفن
وشالها وحطها ابنعشها ام المصايب والمحن
أوداعة الله أيصيح عني أمسافره يم الحسن
وصاح بولاده وبناته وأقبلوا يمه بعجل

وصلوا لكن يشيعه الكل منهم مندهش
ومقدر أوصف حالهم من عاينوها بالنعش
وأحد ايدق فوق صدره واحد الوجه أيخمش
اينادوا يمه اوداعة الله والدمع منهم يهل
ومن بعدما ودعوا الزهرا أمر فحل الفحول
تحضر اصحاب المروة للصلاة على البتول
بالعجل حضروا وشافوا النعش والدمع همول
أوقفوا خلفه وتقدم للصلاة خير العمل
صلى بيهم عالبتوله ودمعه ابخده يسيل
والجسد منه على أم الحسن يا شعيه نحيل
ومن فرغ قلهم بندفنها السا ابظلمة الليل
بالعجل ينصار دين الله بندفنها ابعجل
وأقبلوا بم الحسن والكل قلبه منكسر
وأحضروا المكسورة الأضلاع يا شعيه قبر
ونزل الزهرا بقبرها بو الحسن محني الظهر
وصاح زهرا أوداعة الله وزفوا أعليها الرمل
أوجّه أبو جهه علي والچبد منه امفطره
القبر خير الرسل وادموعه ابخده منشره
يصيح جاتك بضعتك لضلوع منها امكسره
العين ملطومه جرح بالصدر مسقوطة الحمل

إفي رثاء أمير المؤمنين (ع)|

من شطر بالسيف رأسك في صلاتك يالولي
وخضب الشيبه البهيه من ادمومك يا علي
من تجرى عليك يلي عليك ما تجاسر أحد
تشهد ابفضلك حرب لحزاب او صفين او وأحد
مرحب ابسيفك شطرتة يا علي او عمر بن ود
ومن يصيب أحمد الهادي ضيم بيدك ينجلي
هالذي صابك ابراسك صوب الرأس الرسول
وراس من كسروا ضلعها فاطم الزهرا البتول
من تجري عليك قلي ابعجل يا فحل الفحول
يا علي أمصابك فجعنا وزلزل العرش العلي
صاح حيدر والدمع منه على اخدوده انحدر
يا حسن يا مهجة الزهرا وسبط خير البشر
ابن ملجم صابني ولا راعي حرمة هالشهر
شطر راسي وترك محرابي ابدمي ممتلي
قال اجيبنه يبويه لو هو ابروس الجبال
ولو هو ابسابع أرض اخرجه ياسور لعيال
قال يا بني السايذ خلونه امجتف بلحبال
ولنهم أبو أحد يقوده وجابه إليم الولي

ومن رآه الحسن يا شيعه الغضب بالوجه لاح
وبالعجل جرد احسامه لكن الكرار صاح
ما دمت موجود يا ابني عليه لا تشهر سلاح
ما أقدر احچي نرف دمی ما بقت قوه إلي
صاح يا بابہ بك فجعنا يوم شق الهامتك
وزلزل اركان الشريعة يوم خضب شيبتك
يا علي هدت اركاني وممررتني ضربتك
صاح خفوا النوح عني واحملوني المنزلي
واقبلوا ابشيال وخطوا عليه حماي الدخيل
وفوق لكتاف احملاوا والخلق ضجت بالعويل
اسف يا ابو حسين تغدى وسط محرابك جديل
ايحق الينا نتلف الارواح لجلك يا علي
ساعة القشرى يا شيعه يوم وصلوا المنزله
سمعت الحورا الضجه ابعجل فرت معوله
التفتت الى اخوانها تنادي ودمعها تهمله
خبروني من معاكم شايلينه يا هلي
قال ليها الحسن يختي والدك داحي الباب
من الجامع جايبينه في وسط راسه صواب
سمعت وخرت يا شيعه صارخه فوق التراب
مقدر أنظر يا حبيبي البيت من شخصك خلي

* * *

إفي رثائه أيضا|

يَلِيّ تداوي الوالي يَلِيّ تداوي الوالي
بالله عليك أتوسل يَلِيّ تداوي الوالي
يَلِيّ تداوي الوالي بالله عليك اتوسل
وانجان جبدي تفيده أطلب ولا تتمهل
الغالي لحيدر يرخص واعليه أبدا ما نبخل
اطلب ولا تتمهل يَلِيّ تداوي الوالي
هذا وصي الهادي هذا أبو الايتامي
هذا اللي مدّه عمره للدين صاير حامي
ما أقدر اشوف امّدد فوق الفرش قدامي
يَلِيّ تداوي الوالي حاله فطر دلالي
فتح عيونه حيدر واسمع الحورا تنادي
نادي على أولاده والدمع منه بادي
زينب لا ترفع صوتها اسكتوها ذاب افادي
غاليه زينب تدروا عندي وعندها غالي
واقبلوا ليها ولنّها تبكي على واليها
قالوا دموعك هذي يم الخدر نشفيها
واتصبري وهالصيحه لا ترتفع خفضيها
أعلى صيحتك يا زينب ما به أستطاعه الوالي

صاحت يخوتي وينه أصبر وهذا حاله
فوق الفرش يتقلب عن يمينته وشماله
لو ينفذي برواحنا افديناه ورحنا أبداله
الله الرحيم بحاله والله الرحيم أبحالي

في رثائه أيضا

غمض عيونه وفارقت روحه ابو احسين
وارتفعت الصيحة عليه اشمال ويمين
ضجت عليه أولاده وضجت النسوان
كل على خده يهل الدمع غدران
ولجله الكوفه اتزلزلت واظلمت لكون
وبالقبر نصبت له عزا ست النساوين
قاموا لتجهيزه أولاده ابظلمة الليل
في ضجة أو صيحة وتكبير أو تهليل
وعالمغتسل مدوا يشيعه أمصلي الليل
وجردوا اثوابه وعليه القلب شطرين

والحسن قام يغسله ويجذب الحسره
عاین أثر لجراب واضح فوق ظهره
واحسين ايصب الماي الله اعظم أجره
ولما انقضوا يا شيعه من تغسيل أبو حسين
بالكفن لفو جسمه وبالنعش حطوه
صاح الحسن قومن ينسوه ابعجل ودعوه
ودعوا أبوكم يا نسا قبل يدفنوه
ولما أسمعن صوت الحسن أقبلوا مسرعين
خرن على ذاك النعش والقلب مفطور
صاحت يا أبو الحسنين بعدك وحشة الدور
بوداعة الله چيف مثلك يسكن قبور
سلم على جدنا ومكسورة الضلعين

* * *

ازينب (ع) ليلة عيد الفطر|

عيد الفطر هالعام متنغص علينا هيهات أفرح به وحيدر فاقدينه
هيهات أفرح به وابو الحسنين غايب يا ناس قلبي أعلى الأبو يا ناس ذأيب
افرح وأبو الحملات متوسط ترايب الفرح من بعد الأبو ويني أوينه

لو ما أفرحت بالعيد يا ناس أعذروني
حزني على الوالي ترى عامي أعيوني
البيت مظلم بعد أبوي البيت مظلم
يتم الدين أو فجعنا الطاغي ابن ملجم
لجله صلاة الليل حزنانه وكئيبه
والمنبر ينعي ويبكي على خطيبه
ولو ما جلست ويا أحد لا تلوموني
أفراقه يخلق الله مهو هين علينا
الفرح يحرم بعد فقدته الفرع يحرم
وخلّى لحكام بفعلته النكرا حزينه
ومحرابه البس لجله اثياب المصيبه
وليتام ضاعت والأرامل بعد عينه

في رثاء الامام الحسن (ع)

من شاف أخوه على الفرش ما يقدر يقوم
يتقلب أو طير المنيه ابراسه يحوم
حن وتزفر والدمع بالخد بادي
وقله أشجری لك يا عضيدي ويا أسنادي
حالتك يا بن أمي ترى فتت أفادي
قله لحسن منظر قلبي أبحر لسموم
هالسم مرد قلبي يا شمامة المختار
وخلي أبجسمي يا عضيدي تشتعل نار

الله يعينك بعد عيني يا ابن لطهار
چني أشوفك يا حبيبي أبحال ميشوم
قال الشهيد أو دمعتة أبخده جريه
من هو تجرى اعليك يا راعي الحمية
وخلاك تتقلب على أفراش المنيه
لا تخفى اعليه الخبر يا بحر العلوم
حن وتزفر والقلب يشتعل نيران
وقله ودمعه فوق خده يسيل غدران
جعه سقتني سمومها يا شبل عدنان
الله يجازيها على اللي فعلته اليوم
مقدر عليه تغيلني يا نسل لطياب
وأنت ابسهم ميشوم وسط القلب تنصاب
وأنا تجهزني وتشيعني الأحباب
وأنته من التجهيز والتشيع محروم
عجل يا خوي ابطشت بقذف چبدتي فيه
والزم أبايديك رأس خيك والتفت ليه
جاب الطشت له وانحنى يا شيعه اعليه
چبده رماها امقطعه من حر السموم

إفي رثاء أيضا

يحسين قبل اتشيله يحسين قبل اتشيله
خل الحریم اتودعه يحسين قبل اتشيله
قبل تشیل ابن أمي خل الحریم اتجي له
تتزوج امن اوداعه وتالي يخوي شيله
وينه يخوي يرجع من بعد هذي الشيله
خل الحریم اتودعه يحسين قبل اتشيله
إفراق الأخو یابن أمي شب نار وسط أفادي
وأجرى الدمع من عيني أو نغص يخوي زادي
ضاقت الدنيا أبعيني واطلم عليه الوادي
خل الحریم اتودعه يحسين قبل اتشيله
لمن سمعها اتنادي اقبل يشيعه ليها
بو علي وقلها دموعك يم الخدر نشفيها
ليمن ارأها ابخدك يختي الجبد تفريها
نادي الحریم ابهمه اتودعه قبل مانشيله
ظلت تنادي الحورا اعلى الحرم قومن ودعوا
سبط النبي الهادي من قبل نعشه ايرفعوا
جات الحریم ابهمه يبجو اعليه او ينعوا
خروا على وإليهم كل دمعه اتسيله

هذي تشمه وهذي بوداعه الله اتقله
وهذي تدق الهامه وتخمش وجهها لجله
وأما الوديعه حالها مقدر أنا صوّر له
ولما انقضوا أمن أوداعه صاح السبط بنشيله
يا ما عظمها ساعه حين الجنازه ارتفعت
صارت الضجة أمن اهله وأرض المدينه ارتجت
واحسين اينادي أعلىنا الدنيا يخويه ضاقت
بوداعه الله يلى سموك لعدى غيله

* * *

| فاطمة الكبرى تخبر عمها بهلال المحرم |

شهر المحرم بين هلال يا عمي
ومن عاينت له زاد حزني وزاد همي
هلال المحرم زيد أحزاني عليه
وذكرني بلى اتدبحوا بالغازية
وذكرني بالدخولهم أعلى ابن الدعية
نسوان يا عمي بلا حماي يحمي

دنهض يا عمي وانصب المأتم عليهم
تدري أبحزني وأدري أبحزنك عليهم
والله لظل طول العمر أبكي عليهم
وأترك دمع عيني على الخدين يهمي
دنصب المأتم هل يعمي أهلال عاشور
والطم على رأسك وخل الدمع منشور
وأنعي على الظلوا على الغبرى بلا اقبور
ظلوا ثلتيام بالغبرى يعمي
ويلي على الي اتدبحوا مثل الضحايا
ويلي على الي اتركبوا فوق المطايا
ويلي على الي كسروا منه ثانيا
ويلي على الساقه بقى أمن القيد يدمي
قلها يفاطم دسكتي قلبي شعبتى
بالقلب يا محزوننه كل الي ذكرتي
دايم على أخواني وعلى أخواتي يبنتى
في ابجاي وأنا على أفراش المرض مرمي
أتمنيت أنا حاضر أوياهم يا حزينه
وأنصر أخوي احسين شمامه نبينا
لكن شبيدي بقيت في أرض المدينة
اجناب نصررو احسين وأنا الحزن سهمي

إفي ما حدث بدار الوليد|

نادي عليهم بوعلي والدمع ساجم
لا تشهرون أسيوفكم يولاد هاشم
أسيوفكم يولاد هاشم أغمدوها
ما هو محلها هالمحل هذي اعرفوها
ليها محل يولاد هاشم تشهروها
غمدوها ما هو يومها يولاد هاشم
ما هو محلها والأرض ما هي الأرض هاي
أرض أسمها امن اذكره يتفتت أحشاي
بيها الأمر يوصل يمنعوننا من الماي
ما هو بعيد يومها يولاد هاشم
وظلعوا من المجلس مع شيخ العشيره
من بعد ما خلوا العدى ترجف أبحيره
وساروا مع الوالي كالأقمار المنيره
يا محلى مشيتهم معاه أولاد هاشم
لكن يشيعه اشحالته يوم نظرهم
فوق التراب امخضبين أبيض دمهم
حن وبكي أعليهم بحسرات أو شكرهم
أديتوا الواجب معي يولاد هاشم

إوداع الحسين (ع) لقبور أحبته |

من بعد ما ودّع قبر سيد الكونين
عرج على قبر البتول أم الميامين
خر وتعضر فوق قبر أمه الحزينه
ومن عظم حزنه ضاقت الدنيا بعينه
بوداعة الله أيصيح فرحك طاردينه
قوم الأعادي من وطن خير النبيين
يم الحسن من هالوطن باشيل محزون
ويا أرجال وحرم وأطفال يرضعون
بالسفر باعجل قبل دمي يسفكون
أيسفكون دمي القوم وسط الحرم ناوين
لو ما أعجل بالسفر يا بنت الاطهار
ينسفك دمي لو أنا متعلق بلستار
عندهم أمر يم الحسن من نسل لشرار
في اي موضع يذبحون أعزيزك حسين
لسامحه ماشي يمكسورة الأضلاع
باشيل يا زهرا أبهلي بالعجل هالساع

لنه بصوت يسمعه من باطن القاع
ودع قبر خيك قبل ما تشيل يا حسين
قلها على أمرك يا زهرا الساع باروح
باودع أعضيدي وعلى قبره ابا نوح
قبل السفر لازم أودع مهجة الروح
وأجدب الحسره فوق قبره وأهمل العين
وأقبل يودع قبر خيه نسل لمجاد
والدمع منه فوق صحن الخد بداد
يقله عضيدي الساع أنا امفارق هالبلاد
ما لي قرار ابها البلد يا بن الميامين
بوداعة الله يا حسن عنك ابا شيل
من وطن جدي يا خليصي بطلع ابليل
ومن طلعتي ما عود يا نسل البهاليل
جدي أخبرني للوطن متعود يحسين
ومن بعد ما ودع عضيده رجع في الحال
الديك المنازل يصفج اليمنى بلشمال
وأمر على العباس أخوه ايشد لرحال
يابو الفضل عجل ترى هالساع ماشين

الحسين يأمر العباس أن يركب زينب هودجها

ركب يخويه الحورا ركب يخويه الحورا
بالعجل في هودجها ركب يخويه الحورا
يابو الفضل يم بابها قرب الهودج ليها
وانشر البيرق فوقه ولا حد يعاين ليها
وقلها يزينب قومي هي ناقتك ركيها
وهي رايتي أعلى الهودج يم الخدر منشوره
عباس هذي زينب هذي المصونه تدري
هذه الوديعه وطوق في نحرك في نحري
عينك يخويه اعليها يا تاج عزي وفخري
قله اعلى أمرك واقبل بالعجل لخته الحورا
قالها يزينب قومي قومي بعجل يا خيه
باركبك في الهودج يم الخدر بيديه
طول الدرب بأخدمك خدمتك فخر ليه
ما حد كفو يدني لك بمحمائتي يا حورا
صاحت كفو يا خويه راسي ابوجودك عالي
بوجود سور العيلة احسين شيخ ارجالي
لكن يخويه خايضه أبقى بليا والي
من بعد عزي أبظلكم عباس اضل مأسورة

ركب الحورا الهودج يا ساعة محلاها
وقاد الزمام ابايده يا محلا ممشاها
قلي ابيوم أحد عشر منهو مشى وياها
وقاد الزمام ابايده وروس الاهل مشهوره

* * *

في رثاء مسلم ابن عقيل (ع)

حضروا له ابوسط الدرب حضرة الملاعين
وبيها وقع يا ليت عاينته يبو احسين
يا ليت شفت ابن الأخو وسط الحفييره
حيران وأدموعه على أخذوده نشيره
والجسد يا حيدر به اجر وح كثيره
ونور الوجه مخسوف من ضربه يبو احسين
ليتك نظرته من الحفييره يوم طلعه
أمقيد مثل ما قيدوك القوم قاده
القصر الأمانة يا علي الأرجاس ودوه
والقلب منه امن العطش يلهب يبو احسين

عطشان يا حيدر طلب يشرب من القوم
ناولته شربه الباهلي وامتلأت أدموم
مره بعد مره يجيبوا له يجيدوم
وآخرها اضراسه أو قعت منه يبو حسين
ودخلوه على ابن زياد ابحاله شجيه
وما سلم وقالوا لي ما أبديت التحيه
قلهم سوى سلم لو ما سلم عليه
مقتول مسلم آه لو حاضر يبو احسين
من بعدما هانه امر بكر ابن حمران
يصعد به أعلى القصر يا فارس الفرسان
لبيك قال ومسلم ايسبح الرحمن
ولعلى القصر ذاك الرجس جره يبو حسين
قله قبل ما راسي يتقطعه أمهل لي
باوجه ابوجهي إلى الباري بصلي
بعد الصلاة أمهل ابا سلم على أهلي
ومن بعدها أذى الذي ايريده يبو حسين
سل سيفه الفاجر يويلي وقطع رأسه
للأرض ذبه يا علي أمخمده أنفاسك
في بلد غربه ابعيد عن أهله وناسه
ابلدة الكوفه كم بلا قاسي يبو حسين

الحسين (ع) وبنت مسلم

من شافت المظلوم يمها ايصعد انفاس
وما خذها في حجره وبيده ماسح الرأس
حنت ونادت يا أبو النفس العطوفه
شالسبب تمسح رأسي أوعينك ذروفه
ليكون أبويه مات في بلدة الكوفه
لا تخفي خبرني يبن صاحب اوماس
إنجان ابويه مات خبرني يضرغام
أشوف تمسح فوق رأسي مثل ليتام
قلها الشهيد او مدمعه بالخد سچام
مسلم برض كوفان خانت بيه لرجاس
أعلنوا بيعتهم له ومن بعد خانوه
ويلي عليه اوحييد وسط السكك خلوه
وتاليها من عالي القصر للقاء ذبوه
وسفه وألف وسفه عليه مخمود لنفاس
لما اعرفت منه الخبر بيها الحزن زاد
وصاحت أسافه أتموت وأهلك عنك أبعاد
يا ليتني قبلك متت يا نسل لمجاد
ولا سمعت عنك هالخبر يا صعب لمراس

قلها الشهيد احسين لا تخافي انا بوك
وعدي بناتي أخوات وأخت الهم بيعدوك
وما دام أنا سالم هالأعدا ما يذلوك
صاحت كلامك لي على عيني وعلى الرأس
مريضع أبد مريضع من بحماك يحسين
ولا ايحس انه يتيم يا ضيا العين
لكن خوفي أصبح ايتيمه امن لثنين
قلها اسكتي قطعتي قلبي اعليك لا باس

الحسين (ع) يخبر أصحابه عندما وقف به الجواد

في هالأرض يصحابي في هالأرض يصحابي
بتصير وقعه كبرى في هالأرض يصحابي
في هالأرض يصحابي بتصير وقعة كبرى
في هالأرض يصحابي بتحل مصايب قشري
في هالأرض يصحابي يكسرنى دهري كسره
بتصير وقعه كبرى في هالأرض يصحابي

في هالأرض يصحابي ياما رؤوس توقع
في الارض يصحابي ياما كفوف تقطع
في هالأرض يصحابي ياما شباب يصرع
بتصير وقعه كبرى في هالأرض يصحابي
في هالأرض يصحابي الماي من نحرم
في هالأرض يصحابي حتى الطفل مايرحم
في هالأرض يصحابي ايحرقوا العدى لمخيم
بتصير وقعه كبرى في هالأرض يصحابي
في هالأرض يصحابي تبرز وديعة حيدر
في هالأرض يصحابي تبقى ابحال اقشر
في هالأرض يصحابي بعد المعزه تؤسر
بتصير وقعه كبرى في هالأرض يصحابي

* * *

|حبيب والأسديه|

من منزله طلعا بني عمه سويه
وفي الحال اجت واوقفت يمه الأسديه
أقله الجرى بينك سمعته وبين لنساب
اتقلهم معندك عزم تنصر نسل لطياب

إنجان من خوض الحرب يحبيب مرتاب
عطني أثيابك خذ اثياب الي عليه
بلبس الباسك يا حبيب البس الباسي
والنصرته بمضي على عيني وراسي
ما كنت أظن اعليك يابن عمي قاسي
روحك اتشح ابها على شبل الزكيه
قلها اخاف اعليك من جور الليالي
وتترملي بعدي وتتيتم أطفالي
ولي رحت عنك تصبحي من غير والي
ونفسي مترضى اعليك بالعيشه الرذيه
صاحت عليه اتخاف من بعدك أترمل
وأولادي تتيتم ولا حد بي ايتكفل
ولي رحت عني عزي العالي ايتبدل
وما حد يحن بعدك يبن عمي عليه
واعلى الغريب ابوسط قلبك ما دخل خوف
چني أشوفه اوحييد حاير برض لطفوف
والحرم والأطفال تتصارخ بلسچوف
هلي سمعته تقبله نفس الأبيه
زوجتك ماترضى يبوا مظاهر عليها
تترمل ولا يلتفت واحد اليها
وترضى تظل زينب حزينه أعلى وليها
واشحائها من تنظره فوق الوطيه

هذا وكل قصده يشيعه يختبرها
من عرف نية زوجته حالاً أخبرها
قلها أنا من قبل ما انصره أنتظرها
ملزوم انصرنه وبالنسبه عليه
أودع أولاده وزوجته في ظلمة الليل
وأمر اغلامه بالعجل يسرج له الخيل
وقله انتظرنى وأنا باجي لك ابتعجيل
باشيل من هالأرض لرض الغاضريه

* * *

اوقوف الحسين (ع) على مصرع حبيب|

يم جسد بو امظاهر وقف متحير احسبن
مكسور قلبه وفوق خده مدمع العين
يم الجسد واقف يشيعه احسين محتار
ينظر على حر الوطيه شيخ لنصار
حن وبكى واصفق اليمنى فوق ليسان
تبقى أسافه أعلى الثرى انترب الخدين

والله امصيبه اعلى الثرى والله مصيبه
تبقى وشيباتك من أدمومك خضيبه
ما قصرت يحبيب ياليت الحريبه
طلقت هالدينا وبذلت النفس للدين
والله يحبيب ابدما قصرت وياي
في الفرج والشده اوقغت يا نور عيناى
اعزيز عليك اتشوفني في ولية اعداي
حايرو امظاهر اصداشمال وايمين
بلغ سلامي اعلى البتوله أمي وأبوها
واللي ابمحرابه ادمومه سيلوها
وأعلى الذي ابلسوم جبده فطروها
وقلهم بقى المحبوب خالي امن المحبين
ما بين ما محبوب يحچي اويا حبيه
لنه اغمضت عينه ابجر ابن النجيبه
وفارقت روحه ولجله اتعلى نحيبه
معذور لو على نحيبه لجله احسين

العباس (ع) في المشرعه|

نادى وقلبه امن العطش يلتهب نيران
مشرب لذيد الماي والمظلوم عطشان
أشرب لذيد الماي قبل أحسين حاشا
والحرم والأطفال في اخيمهم عطاشا
ولعليل عندي به علم صادي الحشاشه
وجعان وامن العطش قلبه شب نيران
ذبه من ايده ولا شرب كبش الكتيبه
والقلب منه أمن العطش يسعر لهيبه
ونادى حرام الماي قبل ابن النجيبه
وأملي القربه وشد وكاها قمر عدنان
حظها على كتفه البطل سور الوديعه
وأركب جواده وطلع من وسط الشريعه
ومن عظم مابه مظلمه ابعينه الوسيعه
ولنها يمين اشمال حاطت به العدوان
استل سيفه وفرق العدوان عنه
وشق له طريق ايريد مايه ايوصلنه
لّي ابخيمهم يرقبون الماي منه
أوصل يشيعه بقربته سالم الصيوان

ونادي على الحور اتعالي لي بهمه
القربه أخذيهما أورويا الأطفال بالما
جاته بعيلتها بعجل واوقفت يمه
الكل قلبه من العطش يشتعل نيران
واتزاحموا العيله عليها يا مسلمين
وانحل وكاها وسال ماها شمال ويمين
ظلو بعطشهم وارتوى تراب الصياوين
وصاحوا أدركنا بالعجل يا قمر عدنان

العباس (ع) يوجه لزينب خطاباً من المعركة|

ولخيامة أبوجهه دار	قطعوا القوم كفينه
يعزيزة علي الكرار	ينادي يختي عذريني
عليه حايطة الكفار	مقدر للخيم اوصل
الأعادي وثنوا ابليسار	يخيه قطعوا ايمينني
انضرت يختي ابسهم غدار	والجربة على كتفي
يا زينب أنا محتار	أنا محتار يا زينب
وعلى العيله اكبار اصغار	سلمي لي على اسكينه

لا يترقبوا ارجوعي اخبريهم يا حزينه اشصار
اخبريهم بالجري اعليه والي فعلته الأشرار
الله ايعينكم يختي ياما اتشوفوا من اخطار

* * *

اوقوف الحسين (ع) على مصرع العباس (ع)

يم عضيده وقف بو السجاد محني الظهر
يصيح حالك نحل جسمي يا لأخو وظهري كسر
طيحتك خويه اكسرت ظهره وقلت شوكتي
والعدو بعدك شمت بيه وقلت حيلتي
فتح أعيونك وعاین يا حبيبي وحدتي
أبقيت وحدي ابغير ناصر حايطه اعليه الكفر
بالعمد مفضوخ راسك مرمي اعلى المشرعه
وسهم بعيونك وكفينك يخويه امقطعه
وانا كبدي اعليك يا ساقى العطاشا آموزعه
ومقدر اوصف حال هلي فارقتهم بالخدر
جيت والكل واضع اعلى القلب ايده امن الظما
حالهم حال فظيع يعلمه رب السما

للخيم يا نور عيني اوعدتهم ترجع ابما
يرقبونك بالخيم وانتة طريح اعلى النهر
وضع راسه وسط حجره وسالت ادموعه الشهيد
وانتبه عباس عاين راسه ابحجر العصيد
تربه بالقاع امرار وابو سكنه يعيد
قال ليش اتربه من آخذه وسط الحجر
صاح يا مهجة الزهرا وسال ويلي مدمعه
راسي ابجرك وراسك من ابجره يوضعه
والعشيره كلهم ابجر الوطيه امصرعه
قله للخيمه بشيك قال خلني اعلى النهر
واعدتهم يا لآخو مقدر أرد من غير ماي
ومقدر انظرهم عطاشا وانا ابها الحاله هاي
وصل اليهم سلامي لجلهم ذايب حشاي
المنيه انظر الها قربت يابن الطهر
اوداعة الله بو علي مني المنيه قربت
خويه واسمح ليه كان اويآك أنا قصرت
إنخفت منه الصوت يا شيعه وعينه غربت
وفارقت روحه وظل احسين مكسور الظهر

ارجوع الحسين (ع) من مصرع العباس (ع) |

يحسين اشوفك جيت تصفح راح ابراح
زايد ونينك والدمع بالخند سفاح
يحسين خبرني اشجری يابن الزكيه
حالك يخويه هيح احزاني عليه
قلها اسكتي يكفي الذي ابخيك يخيه
ضاقت ابعيني الواسعه ومني الجلد راح
صاحت ومنها الدمع فوق اخدودها سال
مقدر انظر لك بالأخو وانتہ ابهالحال
ملزوم تخبرني يبن خواض لهوال
معلوم امر امچيد ياخامس الأشباح
قلها يخيه بخبرك واتجلدي زين
عباس طاح اعلى النهر مقطوع ليدين
وسهم فرى الجربه وسهم نشب بالعين
وراسه انفضح بعمود ومخه اعلى الكتف ساح
من عاينت حاله يخيه احترت بأمري
ناديت قلت حيلتي وأنكسر ظهري
عباس ياعزي ويا سعدي وفخري
وسفه الدخر والسعد والعز قوض اوراح

صاحت يخويه قوم ودني للشريعه
باشوف راس البطل واكفوفه القطيعه
باصيح ياعباس ياسور الوديعه
منهو يباري محملي ياخلف من راح
قلها الشهيد احسين سكتي يا حزينه
بس عاد يختي اخليصك لا تمرمرينه
خوفي تموتي اهنالك لمن توصلينه
قالت شسوي قال صبري اعلى الذي راح

| في زفاف القاسم (ع) |

قوم ابجمل يابو الفضل	نادى اودمعاته تهل
احسين ايناديك اسمعه	نادى ويجري مدمعه
قوم ابجمل يابو الفضل	يالرمي اعلى المشرعه
ميصير شيال العلم	إزفاف عندنا في الخيم
قوم ابجمل يابو الفضل	ما تحضره يابو الشيم
ولا يبتهج قلب الولد	ما تحلى الزفه ابد
قوم ابجمل يابو الفضل	ليما حضر عنده أحد

عباس ياطيب النفس	قوم أحضر اويانا العرس
قوم ابعجل يابو الفضل	حتى يعم خويه الأنس
تعرف يبن داحي الباب	ميصير نسوة أتزف شباب
قوم ابعجل يابو الفضل	وانا خلي امن الصحاب
وبارك لأمه وعمته	جسام احضر زفته
قوم ابعجل يابو الفضل	بنزفه اعلى زوجته
يحسين ياراعي الفخر	صاح الذي فوق النهري
قوم ابعجل يابو الفضل	لا تنتخي ليك اعتذر
لا يمنى لا يسرى إلي	لسامحه يابو علي
قوم ابعجل يابو الفضل	خف النداء ولا أتقول لي

* * *

| في زفاف ايضا (ع) |

أثياب الحسن جيبها	صاح أحسين يازينب
وسكنه يختي جهزيها	بلبسها الولد جسام
والكفين خضبها	عجني أبعجل حناها
وباطيب عطر عطريها	سرحي شعرها يختي
وللعريس فرديها	وخيمه من الخيم ليها
وباحسن فرش فرشيها	باحسن زينه زينيها

وبعدما تزيني الخيمه	وبيهما أشموع علقها
وسكنه بعدما تجهز	الى خيمتها اخذها
نشدي اشعار يازينب	أشعار الفرح نشديها
وبعد جسام ما يجهز	يختي انزفه اعليها
صاحت بيه يابن امي	ودموع العين تجريها
شعبت القلب كيف اتقول	يختي سكنه جهزيها
چيفه العرس واخيمننا	الاعادي حايطه اعليها
وانته كل ساعه اتصيح	الا من داب يحميها
قلها اوصيه ملزوم	انفدها وتنفذيها
وصية أمن الحسن وعليك	مقدر يختي أخفيها
وقت تنفيذها وصل	إثياب الحسن جيبها

* * *

| في زفاف ايضا (ع) |

زينوا الخيم زينوها	زينوا الخيم زينوها
لزواج سكنه وجاسم	زينوا الخيم زينوها
جسام انا باجهزه	وانتوا البنت جهزوها
عجنوا ابجمل حناها	واكفوفها خضبوها

وسرحوا شعرها سرحوا
والعطر لا تنسونه
وامن الخيم يانسوه
زينوها باحسن زينه
واشموع جيبوا ليها
واعلام خضر اعليها
وامها فلا تنسوها
ابنتها الوحيده هذي
ومن بعدما تتجهز
نشدوا اشعار اعليها
سكنه عزيزة أمها
والحورا لمن سمعت
جاته وعلى خدينها
تقله ياشبل الهادي
چيفه تعرس جاسم
العدوان من كل جانب
ايهجموا يخويه اعلينا
قلها وصية يختي
خوك الحسن وصاني
زينوا الخيم زينوها
لزواج سكنه وجاسم

وثوب العرس لبسوها
عطروا البنات عطروها
خيمه لهم فردوها
وباحسن فرش فرشوها
جيبوا الها وعلقوها
واعلي الخيم نشروها
ابعرس البنات هنوها
هذي انتو اتعرفوها
جلسوا البنات جلسوها
اشعار الفرح نشدوها
سكنه عزيزه بوها
هذا الحچي من خوها
تجري يشيعه أدموعها
وشبل البتوله وروحها
واخيامنا حاطوها
خوفي انا ايسووها
واخيامنا ايحرقوها
امن الحسن هذا يومها
ملزوم اتنضدوها
زينوا الخيم زينوها
زينوا الخيم زينوها

اوقوف الحسين (ع) على مصرع القاسم (ع) |

عائن المعرس امعزر والدماء منه تسيل
صاح وسفه اصباح عرسك بالترب جسمك جديل
امعرس ايعدوك يبني ماذقت طعم العرس
اصباح عرسك يا حبيبي مرمي ابحر الشمس
بين عيني الدنيا امظلمه وقلبي منحمس
ما اظن هذي المصيبة ينوجد ليها مثل
ويش حال أمك يجاسم من تعان حالتك
ويش حال اللي اتركها حائره في خيمتك
ويش حال اعزيزة الكرار زينب عمتك
ويش حال الحرم والأطفال واشحال العليل
چني أنظرهم يجاسم حالهم حال فظيع
امعرس ومن بعد ساعه اقبالهم يبني صريع
ورمله وسكنه ينادوا ترضي من بعدك نضيع
الحرمه ما تمشي ببويه الا اويها كفيل
بعدهما ابنه احنى اعليه يا شيعه الظهر
اوضع خده فوق خده وتالي شاله اعلى الصدر
ايصبح اباوديك لمخيم يقصوف العمر
اوصل اخيامه ودمعه فوق وجناته يسيل

ونزله من فوق صدره شيوعي قلى اشحالته
يوم عن يميني وعن اشمال الحرير حاطته
يلطمون الصدر وامه خرت اعلى اجنازته
اتصيح ياما اسهرت يبني لجلك الليل الطويل
يحق لي يبني لردد حسرتي واكثر ابچاي
والطم اعليك الصدر ياسلوتي ومهجة حشاي
ترضى أمشي يا حبيبي اميسره ابولية اعداي
الله ايساعدنا ليمن ضعنا عزم يشيل
وأقبلت سكنه أبحال ايفتت اقلوب العدا
وشافت اجنازة المعرس بالتراب امدده
أهوت اتنادي يجاسم ليت عاجلني الردى
قبل اعين لك اقبالي يا ضيا عيني جديل

* * *

إلى تخاطب الحسين (ع) عندما رأت وجهه متغيراً

لونك يبو السجاد اشوفه راح مخطوف
ليكون لكبر بدر سعدي صابه اخسوف
قلها ودمعه فوق صحن الخد ساجم
ابنك ابوسط المعركه لازال سالم

لكن برز له امن الأعادي رجس ظالم
والقلب من أعلى الولد منه امتلى خوف
صاحت ابقلبي خوف مثلك يا ضيا العين
آمدلي أمثل ما هو امدلك يحسين
ما ودعني من طلع من هالصباوين
أيقق لي احن اعليه واخلي الدمع مذروف
قلها يليلي خيمتك هالسا ادخليها
ونشري شعر راسك ولكضوف ارفعيها
وقولي وحيد امه أرجعه ربي عليها
ابجاه النبي وحيدر علي واغريب لطفوف
دخلت الخيمه واقسمت والدمع بالخد
نوب تخرا على التراب ونوب تقعد
اتنادي يمن رديت يوسف لي الولد رد
واغشي عليها أمن الحزن والراس مكشوف
مابين ماهي وسط خيمتها رميه
لنها تحس ابوجها أدموع جريه
اتوعت ولن الراس في حجر الشفيه
اينادي بيمة جيت ماهبت امن لصفوف
جيتك بودعناك بيمة ودعيني
مقدر اشوف احسين حاير بين عيني

الملتقى يوم الحشر بينك وبينى
صاحت تمشى يا حبيبي بين السجوف
اتمشى بودع مشيتك يبني بلكبر
من بعدها لساعه بشوفنا امطبر
بيض يبويه الوجه عند فاطمه وحيدر
واتقدم الى الموت وعين الوالده اتشوف

* * *

| الأكر (ع) يحدث أمه ليلي |

عندي خبر واريديمه تسمعينه
إنجان خافي اعليك هالسا تعرفينه
بالمحشر اتواجه الزهرا ام البنين
واتقدم الها اربعة روس امزهرين
اتقلها يزهرها هاي روس اللي أنصروا احسين
مني هديه دقيلهم يا حزينه
تقبل هديتها الزهرا وتاخذنهم
وفي صدرها ابلهفه ييمه تحتضنهم

واتقول اهلاً بالذي بذلوا أنفسهم
من أجل فرخ المصطفى نور المدينه
ورمله تقدم راس بن عمي الجاسم
وأقول هذا راس عريس الهواشم
هذا الذي اصباح عرسه صار ماتم
أريد راس ابني هديه تقبلينه
وتقبل ييمه الراس من رمله هديه
وتحضنه في وسطه صدرها الهاشميه
ويستر قلبها بعد حزن الغاضريه
امعرس ولدها وبعد ساعه ذابحينه
يمه ورباب ابراس عبدالله طفلها
تتقدم الى البضعه الزهرا وتقلها
قبلي يزهر اهديتي ومنها تقبلها
تاخذ الراس الطفل واتقبل جبينه
وانتين واشعندك ييمه من هديه
اتقدمينها للبضعة الزهرا الزجيه
صاحت هديتي ليها راسك ياشفيه
يامهجتي محظوظ من يهدي الأمينه
يبني معزيتك على مهجة الزهرا
لكن افراق الولد يبني ما امره

فدوه لبوك اعلى الثرى جسمك تعضره
مرضاتي لي شفتك شهيد بين ايدينه

|وقوف الحسين (ع) على مصرع الأكبر (ع)|

امصابك فطر دلالي امصابك فطر دلالي
بعدك على الدنيا العفا امصابك فطر دلالي
ضاقت ابعيني الدنيا لمن سمعتك يا بني
اتنادي العدا صابوني عجل يبويه ادركني
في الحال جيتك مسرع وشفتك وحالك فتني
ايحق لي عليك اتحسر يمد لي يالغالي
الله عليهم يابني بالسيف شقوا راسك
ومن كثر ما فعلوا بك خمدوا يبويه انفاسك
ولا كفاهم هذا درعك خذوه وطاسك
ايحق لي عليك اتحسر يمد لي يالغالي
وانحنى اعليه اولضه ابرده يشيعه وشاله
لنها العدا بسيوفها امقطعين أوصاله

واقبل اخيامه قاصد وامدا معه هماله
ونادى ينسوه قومن شوفوا العزيز الغالي
طلعن النسوه ابهمه امن الخيم مذهوله
يتعثرن باذيالهن بمدامع مهمولته
شافوا اعلى صدر الوالي اجنازة محموله
صاحوا يوالي العيله من ها لعزيز الغالي
لمن سمعهم نادى ونيران قلبه تسعر
يانسوه هذي اجنازة شبلي علي الأكبر
جسمه العدا امقطعيه وراسه ابسيف امطبر
لفيت جسمه ابرده ولجله انفطر دلالي
نزل اوليده ولى خرت عليه اتنادي
مالي اوليد غيرك فتيت يا بني افادي
وفلت البرده وشافت فيها شبيه الهادي
راسه ابسيف امصوب وامقطع الأوصالي
صاحت يلکبر يا ماليلى عليك اسهرته
لجلك لذيذ امنامي يانور عيني عفته
اتمنيت اشوف ازفالك لكن اسف ماشفته
ايحق لي عليك اتحسر يمدللي يالغالي

الحسين (ع) يستنبط النيات |

جمّع هله وأنصاره جمع هله وأنصاره
بوعلي ليلة عاشر جمع هله وأنصاره
إسمعوا يهلي ايقلمهم وانتوا اسمعوا ينصاري
هذي الليلة آخر ليله ودمعه جاري
روحوا انا مسامحكم يشهد عليه الباري
لعدى انا مطلبهم ملهم اوياكم جاره
روحوا ابسواد الليله انا الذي ايطلبوني
ردوا ابسلامه اوطانكم وابها لارض خلوني
مافي الأعادي رحمه ولايطلبوا حد دوني
باچر حربهم ادري ايشبو اعليه ناره
لما اسمعوا انصاره واهله الحچي قاموا له
كلهم ابقلب واحد واسيوفهم مسلوته
قالوا يشبل الهادي انخليك ماهي أرجوله
من قبل تبقى حاير انخلي العدى محتاره
يحسين ابدما جينا وفي القلب نية رجعه
عنك ولايصير ابدأ نترك حرم متروعه
في هالبراري ولعدى حول الخيم متجمعه
باچر الينا موقف لازم تشيع اخباره

قلهم جزاكم ربي ابكل الخفايا يعلم
الكم الجنه بشروا كل ابقصر امنعم
واما عدوكم يبشر يوم الحشر بجهنم
يسكن اجنانه الطيب والردي يسكن ناره

|موقف خالد|

لمن سمع حچيه غريب الغاضريه
ايريد الحرب ضمه إلى صدره الشفيه
قله ارجع الأمك ومنه تهمل العين
مقدر يبويه اجمع عليها امصبيه اثنين
قله و الي طرشتي ليك يحسين
اطلب الرخصه النصرتك يا بن الزچيه
مقدر اخالف من عليه الليل سهرت
ونصرتك هذي منيتي أمثل ما تمننت
لاتردني خايب وحق الي انلظمت
واجنينها اتسقط ببو نفس الأبيه

من سمع حچيه رخصه اعطاه او تقدم
للمعركه من بعد ما اعلى الأم سلم
جاهد عن المظلوم وخر مخضوب بالدم
واوقف على جسمه غريب الغاضريه
معضور شافه صاح ما قصرت يبني
اصغير اونفسك قدمتها وانصرتني
شوفتك فوق القاع والله مرمرتني
سلم على بويه وعلى خير البريه

اوقوف الحسين (ع) على مصارع أحبته|

يلي تعنيون من شتى البلادين
وظلقتوا كل أعزيز اوجيتوا تنصروا احسين
مالي أنادي ما تجيوني يفرسان
نوم الخدر عفتوا ونمتوا فوق تربان
ما ظنتي ترضو ايظل أحسين حيران
دمعه على خده ويصك ابراح ليدين

عباس ما تقعد من النومه يسردال
يحبیب یا مسلم وهب يزهير بهلال
اكبر يجاسم عاد بس من نوم لرمال
جسمي نحلتنه وقلبي انشطر نصفين
ما هي العاده ابغير ناصر تتركوني
لا ولد عندي ولا عضيد إیحامي دوني
لعدى بعدكم يا احبابي استوحدوني
مقصد الاعداء يا احبابي وحدة احسين
واتحركت اجسادهم كلها سويه
وصاحوا اعذرنا يا غريب الغاضريه
متشوفنا صرعى على حر الوطيه
صعبه علينا وحدثك يابن الميامين
قلهم امسامحكم مقصرتون وياي
لكن الوحده يا احبابي هدت اقواي
انظر عن ايمني وشمالي حايطه اعداي
واسمع ابوسط الخيم ضجات النساءين
بلغوا سلامي اعلى النبي أحمد المحتار
واعلى البتوله والوصي حيدر الكرار
وقولوا بعدنا ظل ابو السجاد محتار
من غير ناصر يصفج اشماله بليمين

الحسين (ع) يطلب من أخته ثوبا لا يطمع فيه |

ثوب الذي جبتيه ليه يا نجيبه
ما يناسبني وانا طالع للحريبه
رد به الخيمه وجيبي يختي ثوب دونه
ما ريد انا ثوب جديد يا مصونه
قالت اشتصنع بيه قلى يا ولينا
قلها وعبراته على أخذوده سچيبه
جبيبته يازينب ابهمه وانظريني
بالثوب ويش اصنع ولازم تعذريني
جابت له ثوب غير وصاحت ياعیوني
إنشاء الله ايناسبك واتعلي نحببة
واتناوله المظلوم من كف الزكيه
ومزقه وهي تنظر وعبرتها جريه
صاحت أبفعلك ياغريب الغاضريه
ممررت الحالي والقلب زيّد لهيبه
يحسين قلى الياسبب مزقت هالثوب
لاتخفي عني الخبر يابن امي يمهيوب
قلها يزينب والقلب بالنار ملهوب
بوضعه تحت اثيابي التغدي سلبه

من بعد ما يندبح خيك يسلبونه
وليمن رأوا هالشوب يمكن بتركونه
يستر جسد خيك يزيب لا يرونه
عاري الجسد شمامة الهادي وحببيه
لكن يشيعه اتفكروا الهذي الرزيه
يوم الذي سلبوا اثابه بني أميه
ما بقوا عليه شي يستره اعلى الوطيه
حتى الممزق ما بقى واشها لمصبيه

|السجاد عندما سمع استغاثة الحسين (ع)|

من شاف ابوه أيدير عينه اشمال وايمين
ودمعه على خده ويصك ابراح ليدين
نادي على الحورا ودمع العين غدران
هاتي العصا والسيف بنصر شبل عدنان
مقدر اشوف احسين حاير بين عدوان
حاله نحل جسمي وخلي القلب شطرين

اسمعه يصيح ابصوت ايفتت صم الصخور
ما بين لعدى ابغير ناصر صرت محصور
ارجالي انذبحت والحريم اتحن بلخدور
شاح ابعين للحرابه وللخيم عين
صاحت متقدر يا حبيبي تحمل السيف
مالك جلد يانور عيني والوكت صيف
وينك اوين الحرب وانته جسمك انحيف
معذور يا سجاد اوقابل عذرك احسين
قلها يعمة هالحچي خليه هالساع
وهاتي العصا والسيف بنصر حلو لطباع
فدوه البويه يظل جسمي في لظى القاع
امقطع الأوصال ومني الراس نصفين
جابت عصاته وسيفه الحورا الزكيه
ومن خيمته بيهم طلع باقي البقيه
ومن عاين احواله غريب الغاضريه
قال الخيم رديه يا بنت الميامين
هذا يزينب للحرب ما بيه قوه
وجعان والعدوان ما بيهم أمره
هذا يظل الكم بعد ما روح سلوه
عينك عليه يختي وعينك عالنساوين

* * *

ازينب (ع) تنفذ وصية أمها (ع)|

يحسين عندي امن أمك الزهرا وصيه
وصتني ابها وهي على افراش المنيه
التفتت اوقالت لي يزينب قربي لي
بالعجل وابصدرك يبنتي سندي لي
بوصيك بوصيه قبل يدني رحيلي
ولازم تسمعي اوتحفظيها يا زكية
جيت ابعجل يمها يخويه اوسندتها
وفطرت قلبي بالوصيه الي وصتها
تقلى اودمعتها على خدها جرتها
نضدي الوصيه لي نزلتوا الغاضريه
ليمن رأيتي احسين عازم يا حزينه
قصده يريد الحرب لازم تسألينه
يحسين أي حمله دقلي ياوليننا
لي قال هذي الثالثه نضدي الوصيه
وصتني أمك من تلوح ابظهر مهرك
طالع إلى الميدان اقبلك وسط صدرك
وفي جبهتك يا نور عيني وأشم نحرك
والوكت حان اكشف لي صدرك يا شفيه

مد ايده يا شيعه وحل ازرار صدره
وأحنت تقبله مثل ما وصت الزهر
وقبلت غرة جبهته وشمته ابنحره
وابوجهها دارت تسلم عالزكيه
صاحت يمن كسروا لك العدوان ضلعين
واجنينك اتسقط غصب وانلظمت العين
اوصيتك اديتها واوفيت للدين
هذا العزيز الساع طالع للمنيه
ما بين ما هي واقفه ابجانب حماها
واتخاطب الزهرا اولن الصوت جاها
أمك يبنتي اليوم جددي عزاها
زينب مقصرتين ادتي الوصيه

* * *

الحسين (ع) يسأل أخته زينب (ع)

عود عزيز الزهرا ينشد عزيزة حيدر
يم الخدر خبريني منهو دعا اعلى العسكر

يحجي يشيعه اويهاها وامن العطش يتلوى
وامن المصابب جسمه منتحل مابه قوه
يقلها ابهاي الساعه يختي استجيببت دعوه
معلوم وحده منكم يختي دعت عالعسكر
صاحت ينور اعيوني ومنها الجبد مفظوره
والقلب منها طاير وادموعها منثوره
ما دعيت وحق الماتت واضلوعها مكسوره
اعلى كل بلا وامصيبيه متصبره يمشكر
لكن يشبل الزهرا وسبط النبي الهادي
أدخل اخيامك واسئل منهو دعى يسنادي
اتفقد ولنها فضه كاشفه الراس اتنادي
ربي امحي لعدى ابجاه الشافعه يوم المحشر
قلها يفضه كفي بس من دعاك اعليهم
صبري وانا يا فضة ابها الأمر اولى بيهم
قادر ارفع كفييني الرب السما وامحيهم
لكن امفوض أمري وصابر على لمقدر
امثل ما صبرنا صبري اعلى كل بلا اتقاسينه
شفتي اشجری اعلى البضعة ما ظنتي تنسينه
واللي جرى اعلى امعبر جيش النبي بيمينه
شفتين كم امصيبيه قاسي وعليها اتصبر

صاحت وهي تتلهف يحسين يابن الزهرا
من عاينت لك حاير وارجالك اعلى الغبرى
وشفت الرضيع ابسهم ميشوم مفري نحره
هذا الذي خلاني ادعي انا اعلى العسكر

* * *

|وقوف الحوراء (ع) على التل|

يحسين هجوموا علينا يحسين هجوموا علينا
إنچانك حي انهض يحسين هجوموا علينا
إنچان تقدر تنهض عجل يخويه أدركنا
قبل الأعادي تحرق يابن امي امخيمننا
شهو البصر يالوالي اطفال تدري عدنا
وابنك علي امسجى زايد عليه اونينه
لمن سمع يا شيعه صوت الوديعه اتنادي
يحسين هجوموا علينا انهض يسبط الهادي
قام ومشى كم خطوه وخرا على حر الوادي
وظل ايتعفر فوقه اويحفص ابرجلينه

قلها اعذريني يختي مقدر اقوم احميكم
ردت القيام ولكن مقدرت اوصل ليكم
خریت فوق الغبری اونا دیت ويلي اعليكم
يختي نحتي جسمي من قلتي هجموا اعلينا
يوم انابي قوه لعدى الخيم ما وصلت
ويوم طحت عالغبرى يختي اعليكم هجمت
لسامحه يا زينب ثلثين جبدي انشلت
عندي علم من اوقع صيوانك ايحرقونه
بالعجل ردي اخيامك وايسي يزيب مني
سهم النشب في قلبي يم الخدر مرمري
وصوت السمعته منك زيد عليه حزني
فوضى الأمر للباري بقدر اتلاقونه
ايست من واليها والى المخيم عادت
وامن الحزن يا شيعه الدنيا عليها ضاقت
اتصيح الوالي يانسوه اعليه الأعادي حاظت
مايقدر يوصلكم قلبه انمزع ثلثينه

اكفى عتاباً

يلّي على التل واقفه اتكثري امن لعتاب
كفي العتب قلبي يخيه ابسهم منصاب
عتبك يخيه زاد هم فوق همي
ميفيد عتبك وانا فوق الترب مرمي
سهم النشب لي مزع قلبي ونزف دمي
ومرمري والله ابطلعت له اثلاثة اشعاب
مقدر على كثر العتب يم المصاب
قبل القلب ينصاب مني القلب ذايب
عندك علم واشسوى بي افراق الحباب
حزني عليهم نحل جسمي ومفرقي شاب
لكن من اسمعتك تنادينني يخيه
انسيت كل اللي جرى يختي عليه
واخبرك ردت اقوم او طحت اعلى الوطيه
وابحسرتي ظليت اتعضر بلتراب
ردي الخدرك وايسي من جية احسين
چيفه اجي يختي وانا فوق الثرى اطعين
عينك على اطفالي وعليلي والنساوين
الله يعينك يا وديعة داحي الباب

ردت الحورا للخيم تجذب الوننه
ونادت ينسوه احسين باع السهم منا
مايقدر ايجي القلب سهم مازعنه
الله يساعدنا على ولية الأجانب

|زينب (ع) تخاطب جواد (ع) الحسين|

لا مرحبا ابهالجيّه لا مرحبا ابهالجيّه
وحدك بليا الوالي لا مرحبا ابهالجيّه
جيتك علي ميشومه ابليا عزيز الزهرا
يا مهر وين الوالي قلها وقع بالغبرى
سهم نشب في قلبه واستخرجه من ظهره
وادموم خيك صارت زينب اخصاب ليه
من فوق ظهري اخليصك خرا على حر الوادي
وامن الترايب سوى له يا حزينه اوسادى
بيده وضعت اعناني ولا نهض شبل الهادي
مره اثنتين او ثالثه وضافت الدنيا اعليه

ابدمه خضبت الناصيه ولعنان اوجيت اخبركم
الله يعينك زينب فوق الترب كافلكم
ماظن بعد هالطيحه القشرى الخيم يوصلكم
للخيم يا محزوننه ما ظن بعد له جيه
جيه يجي يا زينب وثلثين جبده انشعلت
وباسهم لثلث قوه اله ما ظلت
صاحت بمهر اخليصي ياليت روجي انسلت
من قبل ما تجي خالي ابليا ولينا ليه
قلها انجان اتريدي يا زينب اتشوفينه
بالعجل روجي العرکه من قبل ما يذبحونه
صاحت بنادي اعياله وبنروح الى والينا
امصاب الجرى اعلى اخليصي ياليت جاري اعليه

* * *

الحسين (ع) يطلب من الشمر أن يسقيه ماءً

لمن عرف نية شمر فرخ الزكيه
عازم على ذبحه طلب قطرة أميه

ياشمر من قبل الذبح سقني اشوي ماي
وحق النبي المصطفى متفتته احشاي
سهم المثلث ماحنني وباهض اقواي
وفقد الأحبه ما ترك فيه بقيه
قله بذبحنك يبو السجاد عطشان
وباشيل راسك يا شبل حيدر على اسنان
وباخلي جسمك بالترب للخييل ميدان
لازم ترض صدرك اخيول الأعوجبه
قله إذن إكشف لي عن وجهك بنظره
عنه كشف وأتبسم أمدلل الزهرا
هذا وشمر بالنعل جاثي فوق صدره
ونادى صدق جدي النبي خيريه البريه
قله الشمر واشقال جدك يابن لطياب
قله السبط قل للوصي دحاي لبواب
يذبح ابنك واليذبحه ايشابه للكلاب
ومن سمع قوله قام عن صدر الشفيه
غضبان نازل عن صدر نسل لطياب
وقله انا ايشبهني جدك بالكلاب
والله لذبحنك وأنا ابن الضبابي
وكبه على حر الوجه فوق الوطيه

واتربع اعلى اكتافه ياشيعه ابنعاله
والسبط يحفض والرجس ما رحم حاله
حز راسه ابسيفه اوفوق الرمع شاله
وماجت يمين واشمال ارض الغاضريه

* * *

|يا شمر لا تفجعني|

لا تذبحه خاف الله لا تذبحه خاف الله
يابن الضبابي اخليصي لا تذبحه خاف الله
يا شمر لا تفجعني ابذبحه عزيز الزهرا
بعده بليا والي ابقى ابحاله قشرى
ابرجلينه يحفض وانته متربع اعلى صدره
يابن الضبابي اخليصي لا تذبحه خاف الله
قلها يزيب سكتي كل هالحجي ما يفيدك
لازم افطر قلبك ابذبحه احسين اعضيدك
وان عنه ما تنحيتي وياه بحزا وريدك
صاحت اعرفك ظالم ميشوم ما تخاف الله

اتدافع عن ابن الزهرا وشمر الخنا يمنعها
وكل ما تقل لا تدبجه ابراس الرمح يدفعها
ما راقب الله فيها ولا فيه بل روعها
ومكن السيف ابنحره يا شيعه ماخاف الله
وظل اللعين ايهبر بالسيف ذاك المنحر
واحسين اينادي وينه عني الرسول وحيدر
والمجتبى ما يجوني واللي ضلعها اتكسر
وحز الكريم اوشاله اعلى الرمح ما خاف الله
واظلم الوادي وزينب ردت ابحسره اخيامها
تمشي ونوب توقع يا شيعه فوق ارغامها
ودخلت على بن خوها ويا الحرم وايتامها
صاحت ابوك الأعدا ذبحوه ما خافوا الله

| الحسين (ع) يخاطب أخته زينب (ع) من منحره |

قلها من المنحر يزينب يازكيه
عني ابتعدي لا تدوسك العوجيه

هذي اخيول القوم بالعركه حموها
يختي قصدهم جثتي بيرضوها
ذبحي مكناهم ولا اكفوفي البروها
ولاحملهم راسي أبراس السمهرية
عن جثتي ابتعدي اسمعي يختي كلامي
اعظامك لتنرض مثل ما يرضوا اعظامي
ردي الخيم باري حريمي ويا ايتامي
وعن جثته ابتعدت ودمعتها جريه
ولنها يشيعه امن الأعادي اخيول عشره
اتوجهت صوب السبط مهجة الزهرا
جالت عليه اوكسرت اضلاع صدره
واسمعت تكسير لضلاع الهاشميه
صاحت يخويه كسروا اضلوعك الكفار
ما رقبوا الباري ورسوله يابن لطهار
بالأمس تتكسر اضلوع امك بلجدار
واليوم اضلاعك ترضها الأعوجيه
والصوب جدها اتوجهت ام المصايب
مكسور خاطرها ومنها القلب ذايب
صاحت يجدي اعزيزك ابحر الترايب
بالأعوجيه امريضينه بني أميه

* * *

ازينب (ع) تتفقد خيمة العليل|

دخلت الخيمه اعلى العليل أم المصاب
وعاينت له معذور وجهه بالترائب
مكبوب فوق الوجه والونه خفيه
ماتمالكت من شافته ذيك الزكيه
خرت عليه اتصيح يا باقي البقيه
حالك نحل جسمي وخلي القلب ذايب
وجعان يابن احسين والأعدا مرحموك
هجموا عليك ومن على الفراش سجبوك
ولا كفاهم فوق حر الوجه كبوك
هذا طبع اهل الغدر يابن الأطايب
التفت للهورا ونادى اجلسيني
واوسادتي ليه اعدليها وسنديني
وبالي جرى اعليكم يعمه خبريني
صاحت شقلك ممررتني هالمصاب
نذت امر التربوا بالقاع خده
وصاحت اصبحنا يا ضيا عيني ابشده
حرقوا خيمنا وسلبوا النسوان لعدا
وانسحقت أطفال وغدت أخرى شعايب

قلها يعمه اتصبري اعلى اللي جرى وصار
والله يثيبك عالصبر يابنة الكرار
امقدر يظل احسين عاري فوق لوعار
واحننا نقاسي للمصايب والنوايب

* * *

|ولدا مسلم|

ماشوف أثر لولادي ماشوف أثر لولادي
ضاقت الدنيا ابعيني ماشوف أثر لولادي
ماشوف أثر لولادي اعليهم اقليبي امفطر
وينه رحت يا طاهر وينه رحت يمطهر
علمي ابكم يولادي ساعة اهجوم العسكر
في وين رحتوا افراقكم ذوب يبويه افادي
لنتوا ابخيمة السلمت ولا التي حرقوها
ولامع اطفال السلموا ولا التي سحقوها
نار ابقلبي تسعر عودوا بعجل طفوها
عودوا ابعجل طفوها وسروا القلب يولادي

ظلت تنادي النسوة لولاد ما شفتوهم
مدري العدى ذبحوهم لو بالاسر حظوهم
عمري لتلفه اعليهم چان العدا ذبحوهم
الاخيرة الله ابدنيا بعد الابو واولادي
قالوا لها يم ظاهر لولاد ماشفناها
هجموا الأعادي اعلينا واخيامنا اتركناها
ظلوا ابديك الساعة ايدوروا اليتاما اويها
كل واحده في جانب تبحت ابذاك الوادي
اليهم اثر ما شافوا وارجعوا الخيمه ابهمهم
ياساعد الله اقلوبهم ياساعد الله أمهم
تلطم الهامه اوتبكي ويلي على ضيعتهم
وينك مسلم ماتجي تدور معاي أولادي

ازينب (ع) ليلة الحادي عشر

يلّي على اليمون حول الخيم تفتتر
نسوه بليا ارجال عنا ابجمل وخر

عنا ابتعد نسوه بليا ارجال ببرور
واشجيبك هالساع حول اخيامنا اتدور
ان مبتعدت بنخي الذي بالنجف مقبور
ما ظنتي ما تعرف الكرار حيدر
وانچان قصدك تسلب النسوه يخيال
ما بقت العدو ان لا سوار ولا خلخال
حرقوا اخيامي وصرعوا ارجالي اعلى الرمال
شالبر نسوه ابغير والي في وسط بر
شتريد متقلي يفارس من مجييك
اشوف ساكت ماتسمعني حچيك
اما تقل شتريد والاروح هييك
مارد عليها وعينه يمني اشمال تنظر
صاحت بخبرك عن حسبنا وعن نسبنا
يمكن عليه اترد وتبعد عن خيمنا
بونا علي الكرار والمختار جدنا
وامنا الزهرا وزينب انا وخوي شبر
قلها ميحتاج الحسب انا اعرفكم
ما جيت يم الخدر يا زينب اسلبكم
قصدي عن العدو ان هالليله احرسكم
حالك نحل مني الجسد والقلب فطر
صاحت بها الفارس دخبرني من تكون
اشوف حچيك سيل ادموعي امن لعيون

ليكون انتہ الی ابارض النجف مدفون
قلها ودمعه فوق وجناته تحدر
زينب انا بوك الی دايم تندبيني
وكل الذي صابك بينتي اقبال عيني
صاحت يبويه بعد عزي والييني
ما قصرت فينا بني أميه يحيدر
بخبرك خويه احسين يابه انذبح عطشان
واجنازته صارت لخيال الكفر ميدان
ولا كفاهم يا علي حرقوا الصيوان
وكم طفل يابه انسحق من هجمة العسكر

* * *

ازينب (ع) تسأل عن الرباب|

كل من نادت بأسمها امن الحرم ردت جواب
وما اسمعت أي صوت حين صوتت باسم الرباب
زادت الأحزان بيها من باسمها صوتت
زينب وما ردت اعليها وبامرها اتحيرت

ظلت أتناشد النسوة وين هالسا اتوجهت
وينه اتوجهت قالوا لا علم بنت الأطياب
طلعت امن الخيمة اتدور عزيزة بو علي
في سواد الليل ومنها القلب حزن ممتلي
يا رباب اجواب ردي اقسام ابحق الولي
وحق عزيز المصطفى ردي على زينب جواب
التفت ليها رجل قلها اشطلعك في هالظلام
الوكت مخطر يحرمه ردي الخيمة ابسلام
قالت أبحث عن حزينه فرت لنا امن الخيام
مدري صدت وين قلبي لجلها اتفتت اوذاب
قال هالساعة انا مريت يم جثة احسين
وشفت يم جسمه سواده يمكن اللي اتدورين
قالت المصرع خليصي بمضي لو مالي عوين
مقدر اتركها تركها ابذمتي نسل لطياب
وللحريبه اتوجهت والچبد منها امظطره
نوب تمشي ونوب توقع ويح قلبي اعلى الثرى
عاينتها امدهه ابكثر اللي حزوا منحره
بعد فرش الخدر مفترشين يا وسفه اتراب

صاحت الحورا فجعتيني رباب ابطلعتك
ابليل وحدك من الخيمه وللحريه جيتك
فوضى لله الأمر قومي العيله ترقب رجعتك
صاحت ابها امسامحه يمدرة داحي الباب
زينب الخيمه ارجعي وانا تركيني اويا الغريب
بظل ويا احسين لوهو بالترب جسمه تريب
وين يقدر محب يا زينب على امفارق حبيب
ما اظن ينوجد شئ أعظم من أفراق لحباب
قالت لها مقدر ابلياك ارجع للخيم
والوكت مظلم رباب اولعدى ما بيهم رحم
والولي وصاني بيك وبالعليل وبالحرم
وببها يا شيعه ارجعت مهجة الزهرا للطناب

| زينب (ع) توجه خطابها للعباس |

وجهت زينب وجهها والجبذ متفطره
للشريعته والمدامع فوق خدها امنثره

يا كفيلى يالجبنتى امن المدينه الكربلا
بالمعزه والجلاله يالاخو والمدلله
قوم عاين لى كفيلى فوق ناقه امهزله
ترضى يا عباس امشى او يالاعادي اميسره
صاح بيها السان حاله بس يعزيزة علي
لا تكثري العتب لىتك يا حزينه اتجين لى
تنظرين الحال جسم ولعتاب اتبطلى
اليسمع الأخبار عكس اللى الواقع ينظره
جته يا زينب على الشاطي بلا راس اويدى
وقبل راسى ينقطع سهم خسف عيني اليمين
چان جيتى شفتى احوالى قبل ما تعبتين
مقدر أنا اعلى العتب تدرين بى يمخدره
لو يخيه السيف بيدي ما حد اوصل للخير
لو يخيه السيف بيدي ما انسلبت هالحرم
ايسى يم الخدر ايسى راح شيال العلم
اشبيدي يا زينب اشبيدي ماهو هين ماجرى
يا حزينه تعرفيني اعلى ضيمك ما اصطبر
لكن أختى لى اعذري اجنازه رميه اعلى النهر
صبرى عالذل والهضيمه وفوضى لله الأمر
ادري ابحالك يخيه من الحادي امرره

تحچي ويا اللي طلعتها بالعزّه والجلال
امن الوطن والظعن بيها ماشي مع ذيك لعيال
اوداعة الله اتصيح عنك ماشيه ابولية انزال
غصب والاسباط بمتوني يخويه امأثره

|مرور زينب (ع)| على جسد الحسين (ع) عند الرحيل|

باشيل ويالعليه باشيل ويالعليه
من كربلا يابن امي باشيل ويالعليه
يحسين ما هو برضاي ماخوذه غصب عني
باودعك يالوالي والقوم ماخلتني
لتقول زينب شالت بايتامها اونسيتني
زينب متنسالك ابدأ وانتة كفيل العيله
لكن شسوي حرمه متمرمره يابن امي
باشيل ويا ايتامي مالي كفيل يحمي
غصب عليه تبقي ابحر الترايب مرمي
بوداعة الله عنك باشيل ويالعليه

لو چان أمري بيدي عريان ما خليتك
لو چان أمري بيدي يانور عيني جيتك
ابدمعي اغسل جسمك وفي حضرتك واريتك
لكن انا ماخوذه بالغصب ويالعليه
اعذرني مبيدي حيله ومتمرمه بالوالي
حرمه وضعيفه ولعدى مابهم رحم يالغالي
انظر لجسمك مرمي وراسك يلوح اقبالي
لمسامحه يابن امي باشيل ويالعليه
بالغصب شالت عنه وجسمه رميه امعضر
عاري يشيعه وراسه مقطوع صدره امكسر
وعن يمنتته واشماله جاسم حبيب ولكبر
واعلى النهر ياشيعه مطروح ساقى العيله

* * *

|زينب (ع) عند الرحيل|

في أمان الله يمحزوز النحر في أمان الله يمرضوض الصدر
في أمان الله يسور العائله في أمان الله يظامي كربلا
في أمان الله ربيت امدلله يالاخو واليوم في ولية زجر

في أمان الله يمن بالشرعه
في أمان الله مشيت امروعه
في أمان الله يجاسم ياعلي
في أمان الله بقيت ابلا ولي
في أمان الله بأرض اتصرعت
ماشيه يا كربلا ولا اتجهزت
فضخوا راسك ولكضوف مقطعه
ترضى يا عباس امشي اويا الكفر
في أمان الله يا أحبابي وهلي
قوموا شوفوني ذليله بالأسر
فيك اهلي وعزوتي واتسلبت
غصب اعليه والى الله الأمر

|مرور ليلى على جسد الأكبر (ع) عند الرحيل|

ودعتك الله يبني ودعتك الله يبني
باشيل ما هو برضاي ماخوذه غصب عني
غصب عليه امشي وانته ابجر الوادي
الشمس تصهر جسمك أكبر يشبه الهادي
فرقائك ماهو هين فتت يبويه افادي
اوليد مالي غيرك ولالي احد يكفلني
الليل ياما اسهرته لجلك ينور اعيني
وليمن نظرت الوجحك اتزول عني اشجوني

أتمنيت اشوفك معرس وخابت ببويه اذنوني
قبل المشيب افراقك يمدللي شيبني
لمسامحه يالكبر الظعن هالسا شايل
من كربلا للكوفه واحنا بليا كافل
اكفيلنا اعلى الناقه بغلال لعدى رافل
يكسر الخاطر حاله من انظره مرمري
وشالت يشيعه عنه والعين صوبه تنظر
اتنادي اسافه تبقى فوق الوطيه امطبر
جسمك بليا اموارى يمدللي يالكبر
ليت القبر قبل انظر حالك يروحي ضمني

* * *

|سكينه تخاطب عمته زينب (ع) عند الرحيل|

شوفي يعمه المعرس مرمي ابحر الوادي
من عاينت كفينه مخضوبه ذاب افادي
ايضت المراير حاله فوق الترايب مرمي
لو يتركوني الاعداء اهميت فوقه ابجسمي

اقله عروسك جاتك جسام يابن عمي
اقعد وشوف احوالها متمرمره امن الحادي
انتحبت الحورا وصاحت سكتي يسكنه سكتي
ادري ابمصاب المعرس ايضت القلب يابنتي
لكن يسكنه منهو ايركبك ليمن طحتي
خيك ابظهر الناقه امقيدينه الأوغادي
ودعي يسكنه المعرس وانتي اعلى ظهر الناقه
ادري انا بن عمك صعب عليك افراقه
امعرس ايعدوننه وطعم العرس مذاقه
اصباح عرسه نايم معرس ابحر الوادي
وظلت يشيعه اتودعه والظعن ماشي بيها
والعين صوبه شابحه وادموعها تجريها
اتنادي يجاسم سكنه ترضى العدا تسبيها
والله خجاله تسبي احريم النبي الهادي

* * *

|طير المنيه|

تخضب من ادموم السبط طير المنيه
من عاينه مطروح برض الغاضريه
مطروح برض الغاضريه ابو الایمه
مقطوع منه الراس وامخضب ابدمه
وعاين على حر لتراب اجساد يمه
اجساد يمه امصرعه فوق الوطيه
من بعد ما بدمومه الجنحان خضب
اقبل المنزل بوعلي اعلى السطح ينعب
سمعته بنته فاطمه واطلعت تنحب
تمشي ونوب توقع ابخاله شجيه
رفعت يويلى راسها والدمع كالسيل
وعاينت ذاك الطير منه ادموم اتسيل
صاحت هالنعي ذوب اقليبي وهالعويل
اشجاري يطير اعليك لا تخفي عليه
تنعي على من قال ليها السان حاله
انعى على بوك انذبح وأبكى اعلى حاله
وهذي ادمومه الك يا فاطم رساله
انذبح بوك احسين برض الغاضريه

ما نذبح وحده انذبحت اوياته العشيره
ابعيني نظرت الهم جنازهم عفير
فوق الترب يا فاطمه ابحر الهجيره
صاحت كلامك هيج احزاني عليه
بس يكفي لا تكمل يطير القلب فتيت
مقدر على باقي حچيك فارق البيت
ياطير جسمي انحيل وبیه نيران شبیت
بعد الابو والأهل ما احلى المنیه

|سكینه تخبر عمتها بقدم زين العابدين (ع)|

زينب يعمه مانچتل باقي البقيه
اقبل علينا ودمعته ابخده جريه
اقبل علينا القوم يا عمه مذبحوه
ولا فوق حر القاع خيي ابجل سحبه
يمكن الساعه جاي لينا من دفن بوه
قومي اساليه امنين جاي النا الشفيه

وصل وشبكت زينب اعليه ابعشرها
وضمته ودمعتها تهل الى صدرها
صاحت ببويه جبدي افراقك فطرها
هالساع جاي امنين لا تخفي عليه
قلها يعمه دسمعي واجذب الونات
هذي الساعه جيتي امن الغاضريات
واريت ابويه والذي ابجانب المسناة
والي اوياه اتذبخوا يا هاشميه
باي حال قلها يا حزينه لا تسئلين
مرمر احوالي وهدركني حال لثنين
لثنين يا عمه بلا راس وبلا ايدين
واريت كل واحد وچبدي منفره
جيت الابويه وفوق حر القاع شفته
ابحاله شنيعه احنيت ظهري له ورفعته
ظل ايتمايل يمنى اويسرى او طرحته
لنه امراض من اطراد الاعوجبه
واباريه لفيت جسمه واشماله اويمينه
مع خنصره المقطوع واشماله اويمينه
وثلين چيده الي ابسهم مازعينه
وهلت لتراب اعليه وقلبي اعليه محتاس

ورحت الشريعة ولحدت عمي العباس
وارجعت يا عمه ولحدت البقيه
وجيتك يعمه بالفجيعه والكسيه
زيد لحالي وبهضني افراق العشيره
وكل هذا اولاً اشوفك اقبالي اسيره
في مجلس ايزيد الدعي يا هاشميه

* * *

اسكينه تسأل زين العابدين (ع) |

قبل اسئلك عن حالة المعرس يوجعان
بسئلك عن حال الذي ذبحوه عطشان
يلي دفنت احسين خبرني عن احسين
باي حال شفته قال سكتي لا تسئلين
فوق الثرى شفته بلا راس وبلا يدين
بالغاضريه جسمه وراسه بكوفان
حالة ابوك احسين يا سكنه فضيعه
محزوز منه الراس واكفوفه قطيعه

بيمه شفت مطروح عبدالله رضيعه
بلا راس فطر مهجتي امعزر ابتربان
وان كان عن دفنه يحزوننه تسئلي
في باريه نزلته ابقبره وقلبي
نزل يبويه اوياي وسط القبر طفلي
لا يظل يا سجاد في حومة الميدان
نزلت طفله ابحضرته والقلب محتاس
بلا راس يختي الولد والوالد بلا راس
لكن يسكنه الي بهظني صعب المراس
ذبحه مكفى رضضوا جسمه العدوان
لا غسل يا سكنه ابوك احسين حصل
من دمه الجاري محزوننه تغسل
ولا واحد امن الخلق بيمه ابكفن وصل
فوق الترايب ظل ثلثتيام عريان
لما اسمعت هالخبر من باقي البقيه
صاحت يويلي اعليك يا فرخ الزچيه
ياليت ضمتني اوياك الغاضريه
ولا ظل يتيمه ضايعه يا شبل عدنان
صاحت بسئلك عن ابن عمك يمفضال
باي حال شفته قال حاله يدهش البال

ذاك المعرس شففته امعزر بلرمال
تشجي الاعادي حالته شمعة الشبان
والله كسر قلبي يسكنه حال جسام
من وضعته ابديك الحضيره وهلت لرمال
حنيت يختي اعليه ودمع العين سجام
صاحت كلامك شعل وسط القلب نيران

اوقوف عائلة الحسين (ع) على باب مجلس يزيد

اعلى الباب وقفهم ولا راقب الجبار
ولا راعى جدهم أحمد الهادي المختار
ابحل مر بوقين معظمها فجيعة
هذا الرواه او اكده كعبة الشيعة
اوله ابحلي واخره ابكتف الوديعه
اوسطه العيله امريقين اكار واصغار
ومن بعد هالوقفه الطويله أذن ليهم
ايدخلوا عليه ابمجلسه ويلى عليهم

دخلوا وقام الرجس يتفرج عليهم
والله خجاله ادخولهم مجلس الخمار
قله العليل اودمعته ابخده جريه
ما ظنك ابجدنا النبي خير البريه
لو ايشوفنا واحنا ابها الحاله الرديه
ومن سمع هذا القول امر نسل لشرار
امر ابقطع الحبل يا شيعه من الآل
امن العليل وعمته ومن ذيك لعيال
قطعوا الحبل واتكابوا اعلى الوجه في الحال
والتفتت إلى ايزيد مهجة حامى الجار
صاحت يزيد من العدل هلي فعلته
كربلا شمامة الهادي ذبحته
ومن بعد عزي الأولى خدري هتكته
وفوق الهوازل شهرتنا ابكل المصار
قلها اسكتي وهم اللعين ايمد عليها
ايده وقله واحد ما إلك بيها
المرأة ما تؤخذ ابشئ من حچيها
ومد ايده الراس السبط ضنوة الكرار
وشاله يشيعه امن الكريمه ويلى اعليه
والكل ينظر للرجس شليفعله بيه
كسر اسنانه آه ليت انشلت ايديه
هذا ومن غرة جبينه اتشع لنوار

اموت الطفله بالخربة|

بالطشت جابوا الراس وامغطى ابمنديل
واقبالها حطوه او مدمع عينها يسيل
يجري على خدها الدمع واتصعد أنفاس
كشفوه ولنها تشوف في وسط الطشت راس
عرفته ولنه امخضب ومكسور لضراس
وفي جبهته ضربة حجر واصرخت بالويل
يا ياب من بك فعل هذا الفعل يا ياب
ومن هالذي سوى لك امن ادمومك اخضاب
وامن الذي كسر اضراسك يابن لطياب
جاوبني ما تعين ادموعي ابخدي اتسيل
يتمتني وانا يبو الشيمه صغيره
واليتم يابه في الصغر والله كسيره
مرمرتني شوفتك يا شيخ العشيره
وقلبي انفطر والجسد لجلك اصبح انحيل
ويا الابو تحچي والحسره اجذبتها
واعليه تنعي وشهقه يا ويلى اشهقتها
واغشي عليها وجت زينب حركتها
لنھا الحقت باللي اندفن من غير تغسيل

صاحت الحوره ماتت الطفله يسجد
من عاينت بالطشت راسه نسل لمجاد
حن وتزفر من سمعها زين العباد
اشبيدي عليها والدمع بالخد كالسيل
ومن سمعت النسوه ابخبر موة الطفله
هذي الشعر جزت ومدمعها تهمله
وذيك القلب منها على الطفله تقلى
وقاموا بتجهيز اليتيمه ابظلمة الليل
قاموا بظلام الليل ليها وغسلوها
وجابوا اكفان إلى اليتيمه وكفونها
وصلى عليها بو الایمه وللحدوها
ونصبوا العزي عليها وعلى اللي سحقته الخيل

* * *

السجاد (ع) وجابر ابن عبدالله الأنصاري

يا جابر ابا خبيرك شمر داس السبط بنعال
وحز الراس يا جابر وماجت كربلا في الحال
وبعد الذبح علا الراس يا جابر على عسال

نظرت الشيبته من الريح	تتمايل يمين اشمال
والجثه بقت جابر	رميه فوق حر لرمال
بيها جروح اكثيره	من احجاره اسهام انبال
واعظمها جرح ذاك	السهم لمثلث المنشال
إلا بثلاثين من چبده	شلع وياه يا مفضال
وقطع خنصر يمينه ازنيـم	وقطع كفينه الجمال
وخيل الكفر يا جابر	رضت منه الاوصال
لمن عاينت حاله	غصب من عيني دمعي سال
وانضت لجله اقلبي	وما ظل لي يجابر حال
وظل مدة ثلتيـام	ماحد تدنى له وشال
بثالث يوم يا جابر	اله جيت امن اسر لنذال
ردت اشيل جسمه لكن	اتعسر على منشال
لنه امريض الاعضا	اطلبت له باريه في الحال
جابوا باريه ولفيت	جسمه وتاه مني البال
ونزلته وسط قبر	وزفينا عليه ارمال
لا تغسيل لا تكفين	لا تشييع ابويه نال

ازينب(ع) عند قبر الحسين (ع)|

دقعد اجيت امن السفر يابن الزكيه
عاين احوالي يا غريب الغاضريه
دقعد يخويه جيت عن حالي بخبرك
بسك يخويه طولت نومك ابتريك
انا ویتاماك اوعليلك حول قبرك
اقعد وعاين حالنا يابن الشفيه
يحسين حالي وحالة ايتامك فظيغه
اقعد ابنفسك شوف يا كعبة الشيعه
امتوني من اسياط العدا والله وجيعه
ما قصرنا فينا يخويه بني أميه
من كربلا للکوفه للشامات يحسين
بيننا مشوا واحنا على نوق هزيلين
اشبعنا مذلله بعد عزنا يا ضيا العين
في هالسفر لاقينا كم ضيم واذيه
يحسين دخلونا المجالس قوم لنذال
وحق أمك الزهرا مربقينا بلحبال
يكسر الخاطر يا حبيبي حال لطفال
وبخبرك خويه ابها الخبر واسمح اليه

عائنت والله ايزيد اضراسك يكسر
خويه بقضيبه والقلب مني اتفطر
لنها تسمع الصوت جاها من المنحر
بس يكفي يا زينب أنا اشبيدي يخيه
عندك علم يختي ابكل اللي جرى اوصار
على الرمح شفتي راسي او جسمي بلوعار
والفعلته بي الخيل يعزيزة الكرار
عن دفنتي يختي اسئلي باقي البقيه

ازينب (ع) تودع كربلاء بعد زيارة الأربعين|

يا كربلا ودعتك يا كربلا ودعتك
بالأسر يوم اخذوني يا كربلا ودعتك
ودعتك الله وانا ابذل الأسر مأخوذه
واليوم انا باودعك لرض المدينه العوده
ياليت ويا ارجالي في تربتك ملحوده
ولا كان شفت الذله والضيم من فارقتك

كل العشيره بأرضك يا كربلا ذبحوها
وبسياطهم ضربونا واخيامننا حرقوها
واصبح يوم احد عشر لنا الهزل جابوها
اركبنا عليها وسرنا من بعد ما ودعتك
دخلوا الكوفة بينا ياما عظمها دخله
اعلام الفرح منشوره واسواقهم متعطله
هذا يهني هذا وبقدومنا ايبارك له
وعن مجلس ابن ازياد شاقول لو خبرتك
ما تنوصف دخلتنا يا كربلا بالمجلس
عن ذكر ما لاقينا السان الفصيحي يخرس
ذلنا وشتمنا وروشنا ابوسطة المجلس نكس
والشام ادهى واعظم من كل ما حدثتك
دخلوا بنا والزينه في كل محل منصوبه
ونادوا خوارج ذولا امن الدين مو محسوبه
وفي سككها داروا بنا ونار القلب مشبويه
وروس العشيره اقبالي من ساع ماودعتك
ومن بعد ما داروا ابنا في سككها وذلونا
جاهم أمر ليزيد ملزوم ايودونا
ساعه عصيبه اعلينا يوم عليه دخلونا
قلي اخيراً زينب في مجلسي وقضتك

ذلنا وهضمنا وسبنا في مجلسه أو آذانا
وراس الشهيد اقبالي كسر يزيد اسنانه
وانا انتخي وين اهلي ما حد من اهلي جانا
وايزيد دابه ايقلي بعد الخدر مرمرتك
وبعد الهضم والذله جينا ابجد مفظوره
لزيارة اللي ظلوا ابتربك جثث معفوره
وداعة الله راجعه لرض الوطن مقهوره
لو ايفيد عتبي اولومي عاتبتك اولومتك

|في ما دار بين زينب (ع) ومحمد ابن الحنفية|

داسه الشمر بنعاله داسه الشمر بنعاله
صدر الأخو محمد داسه الشمر بنعاله
بعيني نظرت ابن امي مرمي ابجر الغبري
وشمر الخنا بنعاله متربع اعلى صدره
مارحم حالي وحاله ومكن السيف ابنجره
وحزه وعلى خطي عالي يخويه شاله

واللي اطلعت وياهم من هالأرض يمحمده
عودت انا ابلياهم مكسوره اصفق باليد
كل واحد عاينته فوق الوطيه امده
ما ظل غير اعليل ايضت المراير حاله
من كربلا للكوفه اخذوني انا والعيله
واحنا بحاله قشرى اعلى نوق خويه اهزيله
اسواقها اسلكنها والكل شفي اغليله
والشام من اذكرها ادموعي غدت هماله
وانجان عن دخلتنا خويه المجالس تسأل
اول على ابن ازيباد امروا لعدى ندخل
شبعنا قهر يمحمده وشفنا الاهانه والذل
في مجلسه والادهى من مجلسه واهواله
مجلس يزيباد دخلنا ياخوي ابد ما يوصف
دخلوني ويالعيله اكبير وصغير امچتف
وامن الشماته ايزيباد يصفق علينا بالكف
اينادي يزيباد شفتي اشلون الدهر واهواله
امن الدين خويه ابعدها وسب الابو جدامي
ونادى خوارج ذولا ماهم من الإسلام
وكاد الرجس يضر بني وأنا بليا امحامي
بعد الخدر يمحمده اختك بأسواً حاله

ياخوي واسمح ليه ابهذا الخبر بازيدك
ادري انا بحوالك ضع فوق قلبك ايدك
ايزيد ابقضيبه اقبالي كسر اسنان اعضيدك
قلها يخيه يكفي ياليت روحي افدا له

|فاطمه تناشد اختها سكينه|

فاطمه اتناشد اسكينه والدمع منها يفور
لي مطرشتين احضر زفتك يم الخدور
ليش يختي لي مطرشتين احضر زفتك
اقوم بالواجب يسكنه اوبيدي اعجن حنتك
انتي سكنه اوخيتي وانا بسكينه اوخيتك
الفرحه ما تكتمل يختي والأهل ما هم احضور
لو يسكنه قلتي هذي اعليه ما تقدر تجيك
تحضر الزفه وتبارك للبدر جاسم وإليك
چان طرشتين يختي وشفتي اجي لو مجيك
يمكن اكتابك يشجعني على قطع البرور

سكنه لو ليه كتبتي اكتاب أو احد وصله
ازفافي قرب بالعجل حضري يخيه كربلا
امن المرض يمكن اطيب واجي ابناقه امحمله
بالهدايا لك والى العريس وايعم السرور
سكنه من سمعت حچيها سالت الدمعه غصب
وصاحت ابها بس يكفي يختي فتيتي القلب
اصباح عرسي معرسي يا فاطمه اتوسد ترب
سكتي لتتهيجين حزني ما بقى ليه اشعور
يختي اتجلدي وسمعي زين مني هالخبر
حتى يختي تعذرین اختك نفذ مني الصبر
ساعة ازفاني البطل عباس مرمي اعلى النهر
امصابي مثله ما جرى يا فاطم ابكل لعصور
لو رسلت اكتاب حضري ابعجل ارقب جيتك
وجيتي وشفتي ابعينك ما جرى لو خيتك
متى يا فاطم واصير السبب انا ابموتتك
اتحسرت فاطم ونادت اسمعي يم لخدور
ما اقصدت ازید وجدك لا ولا افتح جرح
قصدي سكنه احضر ازفافك واشارك بالفرح
لكن امقدر عليه عمري اقضيه ابترح
من طلعتوا ماشفت سكنه ابد ساعة اسرور

أم البنين تبكي أولادها|

تكسر الخاطر والله حالة أم البنين
لأولادها امصوره اقبور يا مسلمين
تبكي عليهم والدمع بالخد غدران
عباس وجعفر وعبدالله وعثمان
يولاد فزتوا ابنصرة المذبوح عطشان
بيضتوا وجهي يا اولادي ابنصرة احسين
وتحضن قبر عباس ومنها القلب مشطور
يبني اوصلت ليه اخبارك يوم عاشور
طبيت يبني المشرعه والقلب مضطور
ناديت ما اشرب ماي وادري ظامي احسين
موقفك هذا يا حبيبي اثلج احشاي
عطشان يبني ويمك الما وما اشربت ماي
يستاهل اعزيز النبي يا نور عيناى
كل غالي يرخص بالولد لعزيزك احسين
يبني اشحال احسين يوم الي تركته
حايير بعدما طحت قلى اشحالة اخته
جانى الخبر يبني صرخ ظهري كسرتة
جمره عليك ابقلبي اوجمره على احسين

بالحشر موقف لك مع الزهرا الزكيه
موقف لك ابنصرة غريب الغاضريه
ابشر ببو فاضل ابجنات عليه
يبني هنيئاً إلك فزت أبنصرة احسين

* * *

|زينب (ع) الحوراء|

هلي الدمع يعيوني هلي الدمع يعيوني
لجل الوديعه زينب هلي الدمع يعيوني
كم مصيبه قاست ام المصائب زينب
امصيبة الهادي جدها وامها وجاتل مرحب
والي ايسمها اجعيده خلت اقليبه يلهب
لجل الوديعه زينب هلي الدمع يعيوني
واما المصيبه العظمى امصيبة عزيز الزهرا
شافت شمر بنعاله متربع اعلى صدره
حز الكريم وشاله وناحت عليه ابحسره
لجل الوديعه زينب هلي الدمع يعيوني

وحرق الخيم ما قصر يا شيعه بالمحجوبه
اجرى دمعها وخلي نار القلب مشبوبه
والجمل عاري او اعجف انحل جسدها اركوبه
لجل الوديعه زينب هلي الدمع يعيوني
واما المجالس شيعه ما تنوصف دخلتها
دخلت وهي مجتوفه ابحيل مع عيلتها
الله كم امصيبه اعزيزة علي قاستها
لجل الوديعه زينب هلي الدمع يعيوني
ومن بعد هذا كله ماتت يويلي اعليها
لما اوصلت للبلده الي شهرورها فيها
يلقى السعاده والله كلمن تعني ليها
لجل الوديعه زينب هلي الدمع يعيوني

ابن مصيبة المحسن والرضيع

امصابك يعمي امثل امصابي يشعب الروح
انته ابعصرة باب وأنا ابسهم مذبوح

أنا مضي بي والدي حومة الميدان
يطلب لي قطرة ماي مني القلب لهضان
ولن السهم طوق رقبتني ومنت عطشان
وعود بي الخيمه الشهيد ابدمع مسفوح
ونادى على أمي اخذي رضيعك يا حزينه
جبتنه من العركه ابسهم ذابحينه
طلعت من الخيمه اويهاها اسكينه
وشبكت على جسمي تنادي آه يمدبوح
واشجرمتك ذبحوك يبني ومهجة أحشاي
ماراقبوك الصغر سنك نور عيناي
كل السبايب يا حبيبي قطرة الماي
مالي ولد غيرك على فقدك أبا نوح
وحاطوا بي النسوان كل وحده تنادي
وسفه اعلى لصغير يذبحونه الأعادي
مابينهم زينب تصك راح الأيادي
وتنعي على ذبحي ومنها القلب مجروح
ومن بعدها الضجه أجا بويه وحملني
وابجنب لمخيم حضر حضره ودفني
وجاني رجس ظالم ابرمح له وطلعني
واحتز راسي وعلقه والجسد مطروح

وهذي الجرت ليه يعمي من مصايب
وانته اخبرني واشجرت لك من نوايب
قله المحسن والقلب بالحزن ذايب
حالي مثل حالك فظيع يشعب الروح
من عصروا الزهرا الأعادي ابصاير الباب
أنا طحت في الحال ميت فوق العتاب
وامي من الشده انتخت دحاي لبواب
يا بو الحسن عجل قبل ما روي اتروح
ومن شدة العصره البتوله اغشي عليها
وضلعين ليها اتكسرت ويلى عليها
وبالباب مسمار نشب بالصدر ليها
ولطمه انطبعت فوق خدها اتفتت الروح
انته مع امصابك عشت لك ستة اشهور
وانا يبن خيي ولا ساعه شفت نور
جدتك عصروها وأنا خريت معفور
فوق العتاب اتعفرت جثه بلا روح
هذا الجرى اعليه يبن خيي من امصاب
امقدر عليه انجتل من عصرة الباب
وانته ابسهم ميشوم وسط النحر تنصاب
امصابي ومصابك يا حبيبي يتلف الروح

* * *

ا في رثاء الرضيع |

يا بني أميه رضيع احسين شنهى جرمته
تذبحونه ابسهم وامن العطش چبده امفتته
جابه المظلوم وامن العطش قلبه يلتهب
ايصيح چان اذنبوا لرجال الطفل ماله ذنب
عجلوا له ابماي لن السهم في نحره نشب
آه ما اقسى قلبكم طفل شنهى جرمته
نعم يا شيعه مضى للمعركه ابذاك الطفل
والعطش ناره ابقلبه وقلب طفله تشتعل
صاح جيبوا ماي بسقي ابني قبل يدني الأجل
وجا تظنوا اشرب الما اخذوه وبرد واغلته
انقسمت العدوان يا شيعه لمن سمعوا الصوت
ناس منهم قالوا اسقوا طفله وناس اسكوت
وناس اتنادي ابقسوه هالطفل لازم يموت
لا تبقوا واحد الهالبيت لحقوه ابعزوته
وحرمله ناداه بن سعد اقطع انزاع الجمع
ما تعايين جيد طفل احسين كالفضه مع
النحره فوق سهم خل احسين بابنه ينفجع
لا يرد سالم احسين ابها الرضيع الخيمته

وفوق النحره يشيعه سهم ليته ابمنحري
وراح يا وسفه ابسهم الرجس نحره منفري
ورفراف اعلى صدر ابوه كالتير راسه منبري
والسبط لجله انفطر قلبه وهلت دمعه
وعود ابطفله الشهيد احسين قاصد للخيم
ومن وصل دارت عليه اطفاله وكل الحرم
صاح يا بنت الملك طفلك فروا نحره ابسهم
يا رباب اخذي رضيعك ذوبتني حالته
احضنت يا شيعه طفلها والدموع امنثره
والچيد منها اعلى عبدالله الرضيع امفطره
اتصيح يبني اشذنبك اوداجك اتروح امهبره
الخلف بالله وبالذي نحلته جسمه وحدته

|مولد قمر العشيره (ع)|

من شافته اعلى الولد تجري ادموع عينه
وايقلب الكفين صاحت ياولينا

فكري من احوالك ببو الحسنين محترار
تقلب اكفوفه ومدمعك بالخد نثار
هل شفت بيهم عيب يا حيدر الكرار
وانچان بيهم عيب لا تخفي علينا
شفا ابها الساعه الأبو يفرح ابطفله
ميقلب اكفوفه ابحزن شفا يقبله
وانته عكس والدمع بخدودك تهمله
واشبيه قلبي ابعجل يا منجي السفينه
قلها اسم الله اعليه ابنك مابه اقصور
جنه بدر كامل اوليدك يشع بالنور
ذكرني باليجري عليه ابيوم عاشور
من تجتمع لعدى عن اشماله اويمينه
تجتمع لعدى اعليه عن اشماله وليمين
يم البنين اوتنقطع منه الكفين
وسهم يصيبه ويح قلبي ابمحجر العين
وابعمد راسه ينفذخ الله يعينه
من سمعته سال الدمع منها بالخدود
وصاحت تركت القلب يا كرار موقود
بدلت حيدر فرحتي ابهذا المولود
احزان وينه الفرح بعد اليوم وينه

* * *

القاسم ابن باب الحوائج يوصي عمه عندما حضرته الوفاة|

نادي على عمه يعمي استمع لي زين
بوصيك يا عمي قبل ما تغمض العين
الروح لي فاضت يعمي غسلوني
وبعد الغسل جيبوا چفن لي وچفنونني
وصلوا عليه وقبر حضروا وادفنونني
يا عمي لا ابقى بلا غسل وتكفين
ناداه عمه هالوصيه ذوبتني
ومرمرت حالي يا حبيبي وانحلتني
واجب كل اللي لي ذكرته الساع يبني
الميت ابد ما يتركونه يا ضيا العين
يبني شعبت القلب مني ابها الوصيه
كل هالشياء اللي اذكرتها الساع ليه
مانحرم منها إلا غريب الغاضريه
وبس سمع هذا الخبر منه هملت العين
قله اشوفك سال دمعاك من ذكرته
تعرفه لو اثر مصابه من سمعته

يبني اخبرني يكفي منهو اتكون انتة
شاقول لو الطفله اسئلتني اهلك امنين
قله ابا خبرك اومتثاقل حچيه
من بعد دفني سافر ابهاي لبنيه
الطيبه وطن جدها النبي خير البريه
باب الحوائج والدي يا قرة العين
قله وقلبه بالحزن والههم مملي
لي عن عشيرتك وعن اهلك ما قلت لي
إنچان اخدمك ما اجعلك خادم لي
قله معي ما قصرت واغمض العينين
فارقت روحه وشق عمه جيبه اعليه
وزوجته وبنته قلبهم متفتت اعليه
غسلوا جسمه وكفنوه وصلوا اعليه
واتلحد اوخطوا عزيه اعليه في الحين

|| في رثاء الإمام السجاد (ع) ||

بالبکی ارض المدينه ماجت اشمال اويمين
من نعی الناعي يشيعه مات زين العابدين

مات من نحلّ يشيعه جسمه اركوب الجمل

مات من عاين شمر فوق السبط جاثي ابنعل

مات من عاين الحورا امچتفه اقباله ابجيل

مات من حطوا ابخلقه جامعه وغلوا الیدين

مات من قاسی المصابب والفجایع والمحن

مات من عاين حبيبه اعلى الثرى عاري البدن

مات من الحد ابوه من غير غسل اولاً كفن

مات من عاين احبابه اعلى الوطيه امصرعين

مات من عاين يشيعه اعلى الرمح راس الشهيد

مات من سيروا عماته وخواته كالعبيد

مات من عاين الحورا حايره ابمجلس يزيد

مات من عاين الطاغي ينكث المبسم احسين

مات ابو محمد الباقر يا قلب لجله انظطر

مات من يدعي على السجاد يا دمعي انهمر

مات بالسم يا خلق من البچى قضى العمر

مات ياوزفه على اللي ماهنتي طول السنين

إفي رثاء الإمام الباقر (ع)

مأجوره يا أم الحسن
محمد الباقر فارقت
وابنه انتحب واتناثرت
مأجوره ابموت الولد
والله اسف يسكن لحد
حزنك ابد ما ينقضي
والقلب دوم ملتظي
جعفر الصادق قام له
ابحسره يويلي اوغسله
بالنعش حط بحر العلم
ايصيح البواحي واللطم
ولمن اراد ايشيعه
جت بالعجل متروعه
طاحوا على ذاك النعش
ناس للوجوه اتخمش
والى المصلى من حضر
وحضروا الى الباقر قبر

مأجوره يا أم احسن
روحه وطيبه اتزلزلت
لدموع منه كالمزن
يا زهرا مفتوت الجبد
بحر لعلوم اويندفن
وعينك ابدما تغمضي
اعلى لولاد أم الحسن
والدمع لجله بهمله
والجسد لفه بالكفن
ممرود قلبه امن الآثم
يا بوي ماتظفي الحزن
نادي اليتاما اتودعه
كل يهل دمعه اويحن
الكل منهم مندهش
وناس اجيوب شقن
شائوه وعليه صلى الطهر
شيعه وتلحد واندفن

في رثاء الإمام الصادق (ع)

يا بو الحسن جعفر الصادق غمض العين
ليتك حضرته وعانيت حاله يبو احسين
ليتك حضرته يا علي وعانيت حاله
على الفرش يتقلب عن امينه او شماله
ابسمه يحيذر جعفر المنصور غاله
منشطر قلبه من اسوموم الغدر شطرين
ضيق عليه ابلا جنايه ارتكب وياه
ودس إله تاليها اسومومه وفتت احشاه
وخلاه يتقلب على اشماله ويمناه
تكسر خاطر حالة الصادق يبو احسين
انقصدوا الأولاد أهل الغدر والجور
واحد قضي ابسمه او احد راح منحور
بنت النبي ماتت ومنها الضلع مكسور
وراسك ابمحرابك ابسيف انشطر نصفين
الله عوينه حين شاله إلى التغسيل
ابنه ودمعه فوق صحن اخدوده ايسيل
ايقله على افراقك نهاري منقلب ليل
وغسله ولفه بالچفن نسل الميامين

وحطه ابنعشه وصاح قوموا ابعل ودعوه
ودعوا وليكم يا نسا قبل يشيلوه
طلعن له النسوه ويمين اشمال حاطوه
هذي تشمه وذيك تلطم على الخدين
ولما انقضى التوديع الجنازه املوها
شييعته ولما اوصلوا لمصلى اطرحوها
وصلى عليها ابنه الكاظم وادفنها
وعزوا ابفقداه فاطمه وخير النبيين

* * *

| في رثاء الإمام الكاظم (ع) |

فوق الجسر بقيوده فوق الجسر بقيوده
باب الحوائج مرمي فوق الجسر بقيوده
فوق الجسر يا حيدر ليتك نظرت احواله
وزحت السلاسل عنه واقيوده او اغلاله
ما كتفى الطاغى ابسجنه بالسم يويلى غاله
احضر يحيدر جسمه وچبده غدت ممروده

من كثر حر اسمومه جبده غدت مفظوره
ابلغلال ظل يتقلب وامدامعه منشوره
ما حد من اهله عنده وحده وسط ظاموره
حاليته تترك حتى جب العدو موقوده
ولمن راى يا حيدر ارسوم المنيه حانت
وما حدا وياه من اهله ومنه المنيه حانت
للقبله وجهه والروح منه فاضت
فاضت وظلت جثته ابوسط السجن محدوده
ولمن ارادوا الاعداء اجنازته ايطلعوها
امن السجن بحبال فوق الدرج سحبوها
وامن الحماميل الهاجت اربعه وشالوها
ورفعوا اصوات ما هي عند الخلق معهوده
حطوا الجنازه الاعداء فوق الجسر يا حيدر
وكلمن نظر له سالت دمعتيه وقلبه اتفطر
ليتك حضرت اتشوفه واتجهزه يمشكر
باب الحوائج مرمي فوق الجسر بقيوده

* * *

أوفي رثائه ايضاً

يم لجنازه وقف محتار وايدير الفكر
علي ابن سويد وسئل يمه طبيب اعلى الجسر
يا طبيب اقسام عليك ابمريم اوبنها المسيح
اكشف النا عن سبب موت الذي اقبالك طريح
نظر كفه او عنه أتحنى او دمعاته تسيح
واتبعه ابن اسويد وقله ما قلت لي شالخبر
قال يا بن اسويد باسئلك ودمعاته تهل
هالذي مطروح ما عنده عشيره اولاهل
چان عنده خلهم ايطلبون ثاره بالعجل
وحق من اقسمت بيهم قلبه باسم انظر
صاح عنده اكبر عشيره وخان بيها الدهر خان
والاعادي اتقصدها وشتوها ابكل مكان
هذا مسموم قضى وذاك ارتفع راسه ابسنان
وذاك في المحراب راسه غدر بالسيف انظر
شيخته لما اسمعوا هذا الخبر زاد العويل
شققوا لجيوب لطموا الروس والمدمع يسيل
بين جعفر اسف والله يسجنك طاغي ويغيل
لو بچينا ما نوفي احقوقكم طول الدهر

ا في رثاء الإمام الرضا (ع)

ضامن الجنه نادى يبني تدني ليه
قبل المنيه تدني عندي إليك اوصيه
من سمع قول اعزازه بالعجل قرب يمه
قله يبويه الدنيا ما بين عيني امظلمه
شنهى الوصيه قلى الوى عليه وضمه
الصدره الرضا وقله اصغي واستمع يبني ليه
اوصيك ليمن فاضت روهي ابعجل غسلني
يبني اعلى جاري العاده بعد الغسل كفني
وصل عليه وشيلني العند القبر وادفني
اجنازتي لا تبقى ابليا دفن مرميه
اوكت الغسل يعيوني اذكر عزيز الزهرا
ما تغسل اولاً تكفن مرمي ابحر الغبرى
بالسهم مزعوا قلبه وبالسيف حزوا نحره
امن اذكر يبويه امصابه زادت احزاني اعليه
انا يبويه ابغربه بالسهم فتوا جبدي
لكن يهون امصابي يبني من اذكر جدي
قله الجواد ابحبيك زيدت همي اوجدني
جدي ذكرته وجبدي لجله غدت مفريه

ما بين ما هو يحجي يا شيعه ويا اوليده
لنه ينادي اضجعني الموت حل او عيده
في الحال سجي اعزوزه والقلب زادا وقيده
بوداعة الله ايقله اقطعت يابه بيه
وساعة القشرى يوم غمضت عين الوالي
وفارقت روحه الدنيا واصبح مكانه خالي
احنى عليه اوليده اينادي انفطر دلالي
من بعد هذي السفره مالك يبويه جيه
طوس بهلها ماجت واعلام سود نشرت
وناس تدق اصدورها وناس اجيوب شقت
لجل الذي بسموم الملعون چبده انفتت
وسفه على بو محمد چبده غدت مفريه
قام ابعجل يا شيعه ابنه الجواد ايفسله
والقلب منه ذايب لجله ودمعه ايهله
ايقله عزيزك يابه الدهر شتت شمله
مثل الدهر ما خانك بيخون بعدك بيه
غسل وكفن جسمه مثل الأبو ما أمر
ياويح قلبي وصلی اعلى اجنازته لشكر
وجابه القبره وحطه بيه وعليه اتحسر
وهال الترب واضلوعه لجله غدت محنيه

ابن مصيبة زينب (ع) وفاطمة المعصومه |

فارقت روحك يفاطم من سمعتين الخبر
ما نظرتينه ولا شفيتين في جسمه أثر
من وصلك خبر موته العين منك غربت
وانخفضت في الحال منك الصوت والروح اظهرت
اشرت في قلبك امصيبة عزيزك اشرت
اي مهو هين خبر موت الاخو بنت الطهر
سامحيني يا بنة الكاظم على هذا الكلام
متى فاطم من الك وصل خبر الامام
ما نظرتي ابجسمه وكز ارماع لا شفتي اسهام
لا اجنود حايطينه فاطم اسمعتي خبر
ما نظرتي له يفاطم مرمي بحر الثرى
ما نظرتي له رجس بالسيف يفري منحره
ما نظرتي جثته ابحر التراب امغضره
ما نظرتي جسمه امحطم من اخيول الكفر
ما نظرتي راسه امعلى على راس طويل
وشيبته امن الريح يمنى اشمال يا فاطم تميل
ما نظرتي ابطشت راسه والدماء منه تسيل
ما نظرتي اسنان اخوك امكسره اسمعتي خبر

وعمتك شاهدت كل اللي ذكرته من مصاب
ابعينها شاهدت جدك مرمي ابحر لتراب
يحفص او بالنعل جاثي فوق صدره ابن الضباب
تصيح لا تذبح خليصي راقب الله يا شمر
مارحمها وبالرمح ذبها على حر الثرى
وكب جدك فوق وجهه وعرض سيفه ابمنحره
حز راسه وعالرمح شاله وزينب تنظره
والدمع كالتسيل واعلى الهامه تلطم بالعشر
وشاهدت اعضاه من خيل الأعادي امهشمه
وشاهدت فوق الرمح من شيبته اتسيل الدما
وشاهدت ليزيد في مجلسه ينكث مبسمه
شاهدت كل هالمصايب وانتي اسمعتي خبر

|في رثاء الإمام الجواد (ع)|

صاح لمنادي اودمعاته تخر
نصبي زهرا اليوم ماتم بالقبر

نصبي مأتهم والبسي اثباب السواد
اغمض اعينونه يحزوننه الجواد
ابحر لسموم انحلو جسمه لوغاد
والقلب منه يفاطم منفطر
غمض اعينونه ابو الهادي اليوم
بعدهما قطعوا قلبه بلسموم
ليت شفتي حالته بحر العلوم
ابعز شبابه مات يا بنت الطهر
ابلد غربه مات وهو ابعز الشباب
خمسة وعشرين عمره ابن لطياب
اسف والله مثله ايضمه التراب
الله اعظم لك ابموته الأجر
اتشتتوا الأولاد زهرا اكل مكان
وضيقوا عليهم طواغيت الزمان
انذبح واحد وارضع راسه ابسنان
والبقيه ماتوا باسم الغدر

في رثاء الإمام الهادي (ع)

يم الحسن نصبي عزيزه ابقبرك اليوم
قلب ابنك الهادي امقطعينه بلسموم
بلسموم قلب ابنك الهادي امقطعينه
نصبي عزيزه عليه ابقبرك يا حزينه
ليتك يزهرا على الفراش اتعائنيه
چيفه ايتقلب مهجتك من حر لسموم
الله يجازي من سقاه السم غليه
منه العدو نال المنى وشفى غليله
والله يمحزوننه مصاييكم جليله
ذبح او سجن ناس او ناس قضاوا بلسموم
ليتك حضرتينه يزهرا ساعة الموت
وايدك وضعتها على قلبه المفتوت
ونشفتي دمع العسكري البكرم منعوت
ينظر ابوه اعلى الفراش ابحال ميشوم
ولن دنت منه المنيه اغريب لبلاد
واصى اوليده يا بتوله ابكل ماراد
وغربت عينه وفارقت روحه ابن لمجاد
وابنه صرح في الحال آه يا بحر لعلوم

قشرى حياتى من بعد عيناك يا ياب
والله اسف مثلك يبويه يسكن اتراب
ما يوجود شي اعظم امن افراق الحباب
لقضي بقية هالعمر حزنان مهموم
من بعد فارق الدنيا يم لطهار
للمغتسل شاله اودمع العين نثار
والكون متزلزل عليه ايمين وايسار
جهزه يا زهرا وقلبه ابنار مضروم
وإلى المصلى شيعته شالوا الهادي
ابتكبير او تهليل يا شمعة الهادي
وصلوا عليه او لحدوه والكل اينادي
في فرد صيحه في امان الله يمسوم

[[في رثاء الإمام العسكري (ع)|

اعلى العسكري نصبي العزا يا زهرا
غمض اعيونه في أرض سامرا
غمض اعيونه العسكري يا فاطم
نصبي عليه أبوسط قبرك ماتم

ولبسي السواد اعليه ابدمع ساجم
ولظمي على الهامه او جذبي الحسره
ليتك يزهر اعلی الفرش شفتيه
اعلی اشماله يتقلب ونوب ايمنه
ابحر السموم اقليبه امظرينه
وجبده مثل قلبه غدت منظره
الله يجازي الفاجر اعلى افعاله
السجن ما كفى اسمه غاله
يا معتمد خصمك محمد وآله
ابشر ابنار اعلى الجريمه النكرا
ليتك حضرتي او شفتي شبل الهادي
يبجي او يحن يمه ابدمع واينادي
سم سرى اقبلبك سرى بضادي
قشرى حياتى بعد عينك قشرى
ليتك حضرتينه وقت ما حانت
منه المنيه يا بتوله وفاضت
روحه وكل لكوان لجله ماجت
لنها تنادي يا محب الزهرا
كل الجرى اعلى العسكري يا موالي
بالعين شاهده وفطر دلالي
ابقبري او مصابه يا محب اقبالي
بالروضه جسمي او روعي ابسامرا

في رثاء الزهراء (ع)

اصغي يزهرا واسمعيني وحق الجمع بينك وبينني
مرضى لك ابذل تعرفيني لكن يازهرا اعذريني
بوصيه أنا مقيديني

والله لوما وصى المختار اصبر على اليجري يكرار
ماحد كفو يهجم على الدار يجمع حطب او يشعل النار
لكن وصيته يم لطهار خلطني امقيد محتار
الزمت الصبر والقلب كالنار وصار الذي يم الحسن صار
إنعصرتي إبابك ولجدار

فاطمة الكبرى عندما ترى هلال المحرم

لهلال يفجعني من ايلوح اينكرني بويه الراح مذبوح
وايهج بيه الحزن والنوح والدمع فوق الخد مسفوح
ياليت مني تخرج الروح ولا انظر اهلال امحرم ايلوح
لهلال يفجعني امن انظره وغصب عليه اجذب الحسره
وتكسر ابصدري العبرة اينكرني ابمهجة الزهرا

الهجوم العباس (ع) على دار الوليد

من سمع صوته البطل عباس
واقبل الى باب ابن لرجاس
وراح الاخوه امضرع الراس
أأمر يسيدي وسيد الناس
من عاينه مهجة الزهرا
ضمه الشهيد ابوسط صدره
الى كربلا عباس ذخره
عباس لا تشهر احسامك

السيف سله وافي الباس
شله ابهمه صعب لمراس
ايقله يخويه احسين لاباس
أي راس اطيره قول أي راس
شاهر لسيفه ايريد امره
وناداه سيفك لا تشهره
اهناك ملزوم تظهره
استمع إلى قوله إمامك

الك يوم يا عباس أمامك

الحسين (ع) يخاطب الحوراء (ع)

يمخدره فارس الكونين
منهو دعى اعلى العسكر الحين
صاحت ومنها تهمل العين
ما دعيت عالقوم الملاعين

حيدر ومكسورة الضلعين
دعوه استجيبت يا ضيا العين
وحق البتوله ام الميامين
مثلك انا صابره يحسين

يحسين يابن امي يميناع
لكن يا مكسور لضلاع
فاقدة يمكن لو امن لتباع
ظل ايتفقد حلو لطباع
ادري الامر خلاك مرتاع
فتش يخويه الخيم هالساع
دعت لو علي زادت به اوجاع
عاين ولن فضه بلا اقناع

تقسم ابمكسورة الأضلاع

قلها يفضه واشفعلين
لازم على اليجري تصبرين
وشفتي صبر ست النساءوين
صاحت ومنها الدمع نثار
من عاينت حالك يمغوار
اتنادي بقيت اوحيد محتار
متمالكت يا نسل الطهار
واكشفت راسي يا حما الجار
إمحي أعادي إحسين لشرار
من عاينت حالك يمظلوم
والحرم والأطفال بهموم
وشفت الرضيع ابسهم مفظوم
دعيتي وخسفتي بالملاعين
شفتين صبرا مشيد الدين
انا اولى ابهذا الامر تدرين
يحسين يا ضنوة الكرار
يمناك تصفجها اعلى ليسار
لا أولاد لا اخوه ولا أنصار
الخيمه دخلت او في القلب نار
وناديت يا ربي بجبار
ابحق اللي عصروها بلجدار
واحوال زينب وأم كلثوم
يتصارخون ابحال ميشوم
دعيت ابحرارة قلب عالقوم

أفي حفر البئر|

من عاينه محتار بأمره وعينه بدير ايمين يسرى
وتجري على اخدوده العبره قلبه اخوك احسين خبره
شلي جرى بحزام ظهره قلبه يويلى وجذب حسره
يحسين يا مهجة الزهرا معترضه وسط البير صخره

* * *

أكفى عتابا|

كفي يخيه العتب واللوم جسمي امجرح يسفح ادموم
ما قصرت في خيك القوم قمت او طحت مقدرت أقوم
إتحسرت والدمع مسجوم ملزوم يم الخدر ملزوم
يختي تعذريني أبها اليوم ممزوع قلبي ابسهم ميشوم

* * *

العباس يخاطب الحوراء (ع)|

لا تعتبي اعليه يخيه
لا راس ومقطوعة ايديه
يم الخدر لولا المنيه
إعلى الخيم يا هاشميه
محبوب عنكم يا زكيه
ميفيد عتبك يا الوديعه
إعلى المشرعه جثه رميه
والجربه يمي منفريه
ماحد جسر من بني أميه
ملزوم اتعذرين ليه
لا طيب بل غصب عليه
وانا رميه اعلى الشريعه
لا راس واكفوفي قطيعه

* * *

ازينب (ع) تسأل السجاد (ع)|

صاحت وديعة حامي الجار
من وين تسطع هاي لنوار
قلها ويهل الدمع نثار
من قبر ابويه هاي لنوار
الحايطينه ايمين وايسار
يبني على مني الفكر حار
ومن هالجمع يا نسل لظهار
يمخدره حيدر الكرار
والجمع هذا اكبار واصغار
ذولا اجو لحسين زوار

* * *

ازينب (ع) تخاطب مدينة الرسول (ص)|

عنيك طلعتنا او بالعشيره
كل فرد ما يوجد نظيره
وانتركت اجثهم عفيه
ما خذت واحد ابد غيره
وانا العدى اخذوني اسيره
خوارج يسمونا كبيره
والي العقل يتركه ابحيه
ومن بعد هالسفره المريه
كلهم كالبدر المنيره
انفناوا كلهم في ظهيره
ثلاث على حر الهجيره
سوى الى واحد حفيه
ويالحرم من ديره لديره
كبيره علينا ذي كبيره
مجلس نتركه ونطب غيره
رجعنا لك ابذله وكسيه

|ولدا مسلم|

آه يا قلب مني تظفر
اعلى طاهر اوخوه لمظهر
من عاينوا هجمة العسكر
ويا عين هلي الدمع محمر
فروا من اخيام لشكر
حال اليتاما حال اقشر
عطاشا جياع ابرا قضر

ارحم قرابتنا ونسبنا
يتاما او ذنب ما اقترفنا
ونادي خدم يا ناس عدنا
وانتفع لي بعث ابثمنا
يحكم وينظر في أمرنا
واعلى تعبنا وصغر سنا
كل الذي قلتوه ليه
وما ايفكم السا أمن المنيه
الساعة إلى ابن ازياذ هيه

امن النبي وارحم صغرنا
للسوق هذا الوقت خذنا
واعلى الذي ايقبلون بعنا
لو حيين إلى ابن ازياذ ودنا
يمكن يرق قلبه اليتمنا
ويصفح او يعدل عن ذبحنا
ما غير ابدأ شي عليه
هالروس باخذها هديه
من اجلكم بحصل عطيه

* * *

| في رثاء السجاد |

يوصي الباقر زين لعباد
وفوق لخدود الدمع بداد
ليظل بلا اتجهز السجاد

والقلب بالأحزان وقاد
لي روعي فاضت يابن لمجاد

قله ومنه القلب مفتوت
تبكي يبويه وخافت الصوت
قله وچبده منفرية

قلّي يمن بالكرم منعوت
هل هالبكى خوف من الموت
ما أبكى خوف أمن المنيه

ابچاي يا زين السجيه
يوم الذي وصاني احسين
ياليت يبني غالني البين
يبني علامات المنيه
بوداعة الله يا شفيه
ولازم يبو نفس الأبيه
وقت التجرد ما عليه
وتسكبه يعيونني عليه
فارقنت روحه بو الأيمه
اعلى غريب الغاضريه
ما ذكر لي غسل وتكفين
من قبل ما يوصيني احسين
بانتي يبو جعفر عليه
الوعد عند خير البريه
اتنفض الي هذي الوصيه
واتجيب ماي الغسل ليه
اتذكر غريب الغاضريه
وابنه يحن وايصيح يمه
وطيبه غدت لجله أمظلمه

| في رثاء الباقر (ع) |

صاح الموالي يا حزينه
هلونين لامن تجذبينه
صاحت يلموالي الينا
إبني الباقر سامينه
يا فاطمة الزهرا الامينه
وادموع عينك تهملينه
ما تدري واشجاري علينا

|في رثاء الصادق (ع)|

واشصايرا بأرض المدينه
ذا يلطم الهامه ابيمينه
وآخر ينادي ياوليننا
ما نظن بعد ترجع إلينا
بالعجل لا تخفي إلينا
جعفر الصادق سامينه
يا فاطمة يا أم لبدور
جت لك امصيبه اتفت لصخور
اعني ابنك الصادق المبرور
اتموج ابأهلها كالسفينه
وهذا يهل ادموع عينه
اوحشت دنيانا علينا
متقول من هالفاقدينه
قله وزيد لا ونينه
فارق الدنيا واندهينا
نصبي الماتم وسط لقبور
خلت قلب كل محب مفظور
سمه ابو جعفر المنصور

* * *

|في رثاء الكاظم (ع)|

ايحق لنا نبكي ابقلب محزون
اعلى اللي قضاها وسط لسجون
ابجوا يشيعه واكروا الويل
اعلى اللي احملت نعشه حماميل
وانقرح امن الدمع لجفون
ولا اتهدوا انهار ولا ليل

يا شيعه الكرار حيدر خلوا الدمع بالخد ينثر
اعلى ايامكم موسى ابن جعفر

|في رثاء الرضا (ع)|

يبني قبل تدني النيه اتدني ببو الهادي اليه
بوصيك يعيوني ابوصيه لي روي فاضت يا شفيه
جهزني اوصل عليه ولحدني يا زين السجيه
ولين الترب هلته عليه اتذكر غريب الغاضريه

|في رثاء الإمام الجواد (ع)|

ماتم ابوسط القبر نصبيه وجيبك على المسموم شقيه
والصدر يم الحسن لظميه ابنك ترى الأعدا اغدروا به
ابعز شباباه ويلى اعليه

مات الجواد انعي يزهره ولطمي الصدر وابكى ابحسره
عليه ابوسط لقلوب جمره ابغز الشباب انقص عمره

|في رثاء الإمام الهادي (ع)|

يم الحسن نصبي عزيزه في وسط قبرك يا زكيه
حلت على راسك رزيه ابنك علي الهادي الشفيه
مرمي على افراش المنيه بالسم جبده منفيه

|في رثاء الإمام العسكري (ع)|

زهرا يمكسورة الضلعين اليوم ياليتك تحضرين
الأرض سامرا وتشوفين مهجة حشاك وقره العين
فرق الفراش ايجاذب اونين بقبض اشماله ويمد ليمين
بالسم قلبه انشطر نصفين غريب وهله عنه بعبدين

على العسكري لعميك ياعين

إصاحب الثار|

كم الك يابن الحسن من ثار ثار اللي عصروها بلجدار
وثار الوصي حيدر الكرار والحسن واجدادك الاطهار
وثار الابو يا صاحب الثار يمتى تسل سيفك البتار
وتأخذ ابثارك من الكفار

* * *

نوحيه

اوقوف الحسين (ع) على مصرع العباس (ع)|

ظهري انكسر يا عباس ظهري انكسر بها لطيحة الميشومه يم النهر
ظهري انكسر قلت الحيله قلت وشوكتي يا ساقى العطاشا قلت
والعدو يابو الفضل بيه اتشمت ظهري انكسر يا عباس ظهري انكسر
بها لطيحة الميشومه يم النهر

عمود الفضخ راسك ينور أعيوني راسي افضخه وزيد عليه اشجوني
والقطعوا ليدين قطعوا ايديني ظهري انكسر يا عباس ظهري انكسر
بها لطيحة الميشومه يم النهر

سهم عمى اعيونك يساقي اعيالي اعمى اعيوني خوي وفت دلالي
والفرى القرية ترك عطشى اطفالي ظهري انكسر يا عباس ظهري انكسر
بها لطيحة الميشومه يم النهر

عباس جيتك والحراير كلها ولطفال تترقب ارجوعك الها
حاجيني ونومتك هذي خلها ظهري انكسر يا عباس ظهري انكسر
بها لطيحة الميشومه يم النهر

صاح ابضعيف الصوت وهو ابكتره اشبيدي عليهم يا عزيز الزهرا
حن الشهيد احسين واجذب حسره ظهري انكسر يا عباس ظهري انكسر
بها لطيحة الميشومه يم النهر

يحسين قبل الموت يوصل حينه بوصيك قبل زينب ويا سكينه
وسلم عليهم صاح وهملت عينه ظهري انكسر يا عباس ظهري انكسر
بها لطيحة الميشومه يم النهر

الهم بشيلك قال لا توديني مقدر يشوفوا الراس ويا ايديني
والعين قلّه يكفي لا اتأذيني ظهري انكسر يا عباس ظهري انكسر
بها لطيحة الميشومه يم النهر

ما بين ما هو يحجي ويا اعضيده لئه يقله الموت حل اوعيده
مات وصرخ بو علي واصفج بيده ظهري انكسر يا عباس ظهري انكسر
بها لطيحة الميشومه يم النهر

إنوحيه في شأن القاسم (ع)

بالحنا عمه لا تحنوني من دم عمي عمه خضبوني
ما ريد حنا عمه وعمي غريق ابدمه
وبالحنا عمه لا تحنوني

لا تعجنوا لي حنا لكضوف لا تخضبوها
وعباس فوق الشاطي اكضوفه العدى قطعوها
ابعينه سهم والهامه عمه ابعمد فضخوها
هل شفتي عمه وحده تاكله وايحنوها
لا تخضبوني عمه وعمي غريق ابدمه
وبالحنا عمه لا تحنوني

رحموا يعمه ابحالي بالحنا لا تحنوني
وانچان هذي اوصيه ملزوم اتزفوني
جيبوا لي من دم عمي يا عمتي او خضبوني
وانچان كلفه اعليكم للمشرعه ودوني
بلثم يعمه جسمه وبخضب اكضوفي ابدمه
وبالحنا عمه لا تحنوني

صاحت يسكنه سكتي فتت حچيك قلبي
چيفه تروحي العمك ومن دم جسمه اتخضبي

ما تقدرى اتنظرينه يعلم ابخاله ربي
امثل ما شرب يا سكنه مثله يسكنه شربي
صاحت اجل يا عمه جيبوا إلي من دمه
بالحنا عمه لا تحنوني

| في شأنه أيضا |

شموعي طفئها	شموعي طفئها
ابعجل قشعئها	وخيمتي يمه
طفئ شموعي	للحرب طالع
أئسي إرجوعي	للخيم يمه
احنت إضلوعي	حالة المظلوم
واجرت ادموعي	مرمرت حالي
زيدت لوعي	فطرت قلبي
يمه اعذرئني	لا تلومئني
التجري نشفئها	دمعتك هذي
زيدت همئ	وحدة المظلوم
انحلت جسمئ	نغصت عئشي

مقدر انظر له حايـر يمـي
تكسر الخاطر حالته عمي
الحنه ما ريده إخصابي من دمي
حسين بانصره اليوم يا حره
سكنه يايمه عينك اعليها
لي رأيتي امعرس ايحنونوه
ولي رأيتي شاب إيزفـزنه
إتذكري عريسك يمحـزونوه
جسام إبهـا ليوم بتفـارقونوه
فوق حر القاع بتشاهـدونوه
في امان الله ودعتك الله
نعوتك يمه هذي بطلبها
عرس ما يناسب واحنا ابها الحال
ومن كل جانب حايطه الأندال
صاحت أودمع أعيونها هـمال
يا عديل الروح راضيه ابها الحال
انصر المظلوم نصره يا مفضل
روح الله اويـاك يالحلو ممشاك
سلم اعلى الـلي هجموا اعليها

إفي شأنه أيضا

انهدت اركانه انهدت اركانه من عاينه امعزر ابتربانه
انهدت اركانه

إنهدت اركانه يشيعه احسين
لمن نظر له امعزر الخدين
حن وعلى خده تصب العين
امصابك ترى خلى القلب شطرين
يا بدر غايب قبل ميحانه انهدت اركانه

جاسم انا امن اسمعتك اتنادي
بالعجل جيتك ذايب افادي
عاينت لك مرمي ابها لوادي
امخضب ابدمك والثرى او سادي
جاسم عليك الروح تلفانه انهدت اركانه

يالولد قلبي ويش حال امك
من تنظرك متخضب ابدمك
دقعد يجاسم عاين العمك
محتار يا شبل الحسن يمك
وشاله على صدره الصيوانه انهدت اركانه

للخيم وصل مهجة الزهرا
يا شيعه والمعرس على صدره
نادي اطلعن يا نسا وجر حصره
طلعن يويلى ابحالة قشرى
كل وحده منها الجبد حرانه انهدت اركانه

نزله يا شيعه شبل عدنان
اعلى الأرض واعليه حاطن النسوان
وصارت الضجه اعليه بالصيوان
ويلاه واويلاه على الشبان
وامه تحن اعليه ثكلانه انهدت اركانه

خرت عليه ودمعها سجام
تنله توعى وتلطم اعلى الهام
حاجيني اوخل نومتك لا تنام
فطر مصابك قلبي يا جسام
لجلك ليالي ابقيت سهرانه انهدت اركانه

وسكنه تفت القلب حالتها
من جثة العريس شافتها
فوق الثرى خرت وحضنتها
تقله وعلى الخدين دمعتها
ترضى أظل في ولية اعدانا انهدت اركانه

انوحيه في شأن الأكبر (ع)|

فوق الصدر شاله فوق الصدر شاله ادموعه على الخدين هماله

فوق الصدر شاله

فوق الصدر شاله وجذب حسره
اعلى الولد مهجة فاطم الزهرا
بعدك حياتي ياالولد مره
فقدك ترك وسط القلب جمره
تشوف عيني اعليك هماله فوق الصدر شاله

اقبل يشيعه قاصد الصيوان
من فوق صدره شمعة الشبان
اينادي دقومن جيت يا نسوان
جبت الولد من حومة الميدان
طلعن له النسوه ابولواله فوق الصدر شاله

حط الولد شيعه ابوسط لخيام
وحاطت به النسوه ادمع سجام
هذي تدق الصدر ذيك الهام
وئلى تنادي آه يبدر التام
عيشى يلکبر نغصت حاله فوق الصدر شاله

يا ما اسهرت ليلي ينور العين
جاوبني يبني وليه دير العين
مثلك ولد يبني اجيب امنين
ياليت من قبلك تلفني البين

الدينا يبني دوم مياله فوق الصدر شاله

اتمنيت اشوفك معرس اقبالي
وتفرح لك الاحباب ياغالي
دقعد وعارين يالولد حالي
منفطر يبني اعليك دلالي

اقعد وشوف امك ابأي حاله فوق الصدر شاله

واحسين يسمع والدمع يجري
قلها ليلي اعلى القضا صبري
ادري ليلي ابحالتك ادري
فوضي الأمر لله مثل امري

الدين كلنا انروح فدوى له فوق الصدر شاله

انوحيه في شأن ليلة العاشر|

يختي الليله آخر ليله وياكم وديعة جدنا باجر وعدنا

والله يختي يراكم

عندي يخيه اوصيه لك لازم اتنفذها
هذي العيله من بعدي عينك يخيه اعليها
سكتي الطفل والطفله ليمن بجت سكتها
لرجال هلي اقبالك يا زينب اتشوفها
اضيوف كلها عندك يم الخدر عديها

من هذي الشجعان يختلي الصيوان

والله يا خيه اويكم

وعندي خبر يا زينب ملزوم اتسمعيه
بعد العشيره كلها اخليصك ايدبحونه
وبالأعوجيه جسمي يا زينب ايرضونه
وراسي يلوح اقبالك وامخيمي ايجرقونه
صبري يخيه صبري لمقدر اتلاقونه

صبري يا خيه اعلى كل رزيه

والله يا خيه اويكم

صاحت لراضي طيبه ردنا ابجمل يعضيدي
قلها ودمعه يجري هذا الأمر مو بيدي
لازم اتشرفي ابعينك شمر يحز اوريدي
ولازم تروحي اهديه يم الخدر ليزيد
اشبيدي يخيه اعليكم اعليكم يخيه اشبيدي
لا تمـريني لا تشعبيني
والله يا خيه اوياكم

نادت يا سبط الهادي حچيك فطر دلالي
تندبح خويه وجسمك ايرضضونه اقبالي
وبالنار ايجرقوا اخيامي وايشتون اطفالي
وراسك ينور اعيني انظره ابرمح عالي
هل شفت حرمة مثلي متمرره يا لوالي
ابذبحه اخوها ايخبروها
صعب اعليه فرقاكم

لكن ينور اعيني بصبر على اللي يجري
بصبر على ذبحتكم وبصبر على حرق خدري
وبصبر على كل ذله وبصبر على هتك ستري
بفضل اعمالك خويه ولله بفضو أمري
تدري يخويه ابصبري ابصبري يخويه تدري
يا ناصر الدين مهجتي يحسين
صعب اعليه فرقاكم

ارجوع السجاد (ع) من دفن أحبته |

جاي امنين يا بن احسين خبرني ذابت مهجتي
امنين يا باقي الأهل هالجه بالعجل خبر لا تخبي اعليه
قلها وچبده امن الحزن مفريه
لتسئلين جاي امنين زيتي عمه لوعتي

صاحت وجرت حسره بثر حسره
اقسم عليك ابجاه أمي الزهرا
وابجاه من بالعطش حزوا نحره
وضل عريان بالتربان خبرني ارحم غربتي

قلها يعمه اتجلدي وسمعي زين
انچان تبغين الخبر جاي امنين
جيتي هذي الساعه من دفن احسين
قلبي ذاب راسي شاب من جيت الحده عمتي

قالت اباي حاله شفت نور العين
قلها الخبر عندك يعمه تدرين
لا راس يا عمه الأبـو ولا كفين
فتتني مرمـرني وسالت ادموعي ابوجنتي

قالت اباي شي الجسد لفيته قلها يعمه اباريه حظيته
وبالقبر نزلت الأبو وناديته

يا مظلوم لقضيي دوم ابكي عليك ابجسرتي
في بارية يا عمه حظيت احسين مع يمينه واشماله وخنصر ليمين
وثلاثين چيده اللي اشلعه سهم البين
قلبي احتاس ابلا راس لحدته وزادت فجعتي

صاحت يبويه باسالك جاوبني
عن عمك العباس خبر بيني
باي حال شفته قال حاله اشعبي
ابجنب الماي فت احشاي من جيت الحده عمتي

مثل الأبو شفته يعمه ابلا راس
ولكضوف منه امقطعه وافي الباس
يمه صرخت ابصوت عمي عباس
فكري حاريا مغوار اقعد او سكن روعتي

في محل ما شفته حفرنا قبره
واحنيت ظهري اعليه ابجاله قشري
شلته ونزلته القبر يا حره
وهلت اعليه ويلي اعليه لتراب وطرحت ونتي

ومن بعد دفنه جيت يا بنت لطهار
ولحدت جسام وعلي والأنصار
وناديت فزنوا ابنصرة اغريب الدار
بشروا ابحور جنه اقصور معدوده ليكم صحبتي

وتالي اجيت أصفق ابكف اعلى كف
من كربلا للكوفة دمعي ما جف
أيقق لي عليهم يا مصونه اتلهف
انهار وليل او كالتسيل اجري الدمع يا عمتي

انوحية في شأن يوم الأربعاء

يمهجة الزهرا يمهجة الزهرا جيتك يخويه ابحالة قشري
يمهجة الزهرا

يحسين دقعد جيت يا مظلوم
بخبرك بلي سوت ابنا القوم
منفطر قلبي من كثر لهموم
قشري علينا سفرة قشري
من طلعتي من كربلا لليوم
بمهجة الزهرا

من كربلا يحسين ساروا ابنا
واحنا على هزل يخويه احنا
اشبعنا هضم يا بوعلي اشبعنا
من هالعدى اقسام وحق جدنا
والراس جدام الضعن يبرى يمهجة الزهرا

دخلوا ابنا الكوفه ينور العين
واستقبلونا ابفرح متشمتين
واعلى اليتاما اتصدقوا يحسين
ياليت ماخذني يخوية البين
قبل اطب الكوفه القشرى يمهجة الزهرا

واعلى الدعي ابن زياد يالوالي
دخلوني وبالحرم واطفالي
وابنك امقيد يالأخو اقبالي
كلما أشوفه انفطر دلالى
ذل وهضم شفنا بها السفره يمهجة الزهرا

يحسين لو عاينت حالتنا
في مجلس الطاغي ابدلتنا
سبنا ونكس خويه هامتنا
ما ظنتي ترضي اباهانتنا

والله خجل آل النبي اسرى يمهجة الزهرا

ومن بلده الكوفه مشوا الظلام
بيننا ودخلونا ابلاد الشام
ومن شدة الفرحة انشروا لعلام
وشاع الخبر محنا من الإسلام
راواني دهري حلوه ومره يمهجة الزهرا

واعلى يزيد الرجس دخلونا
ابمجلسه واتهكم اعلينا
ذلنا يخويه ونال من بونا
وراسك اقبالى كسر اسنونه
بيكم كسرني هالدهر كسره يمهجة الزهرا

جاها الجواب امن القبر سكتي
اشبيدي عليكم حالتني شفتي
كل الذي اعليكم جرى يختي
ابقلبي ومثل ما نالني نلتني
صاحت امصبيه وفعلة نكرا يمهجة الزهرا

|الابوذيات|

حيدر راية الهادي حملها وزوج البضعتة الزهرا وحمى الها
اشلون اسكت على اتسقط حملها وكسر اضلوعها راعي الحميه

* * *

|زينب (ع) تخاطب الحسين (ع)|

العدو جيش علينا وزاد ظلمه وما بخيامنا يحسين ظل ما
الدنيا ابعينا امن العطش ظلمه شنهو البصر ياشبل الزكيه

* * *

|الحسين (ع) يطلب لرضيعه ماءً|

نادى والأعادي اعليه له طفلي اسقوه وبارد بيه له
اجاه السهم وسط النحر لما اسمعوا من احسين طفلي ايريد ميه

* * *

ازينب (ع) تخاطب العباس (ع)|

يبو فاضل يمن للحرم ساقى للكوفه العدو بالظعن ساقى
على ايحن آه ايديني آه ساقى حزتهم اغلال اجنود اميه

العباس (ع) يخاطب زينب (ع)|

كفي العتب يم الخدر كفي عنكم لعدى ويني اوين كفي
ابعد راسي انفضخ وانقطع كفي وعيني ابعد مخسوفه يخيه

ازينب (ع) عند قبر الحسين (ع)|

انادي ما تجاوبني على ما يمن ذاب القلب منك على ما
ابنصب لك على قبرك علامه لجل زوار قبرك يا شفيه

ازينب (ع) ومحمد ابن الحنفيه |

برض الغاضريه صابه اسنان وراسه وين ما رحنا على اسنان
وبالمجلس كسر له ايزيد اسنان وأنا انظره ابخاله شجيه

حز الحبل كتفي يالاخو حز وابقلبي مصاب ابن النبي حز
عيني شاهدت راسه الشمر حز بعد ماعضره ابجر الوطيه

ازينب (ع) تخاطب سكينه |

خالي البيت راح اللي يسكنه ومن الزفرات قلبي من يسكنه
دقومي ننصب الماتم يسكنه على اللي اتذبحوا بالغازرية

| دعاء |

لك ارفع الكفين يارب البريه
يا ربي ابجاه النبي وابجاه حيدر
واللي ابسم جعده القلب منه تظفر
واولاده التسعه أئمتنا الأطهار
ربي ومن تعبوا ابرباتي ليل وانهار
والآل واللي حاربوا الدين وهل الدين
انتقم منهم والقهم في قعر سجين
وابهالدعاء اختم اکتابي يا اخواني
واعلى النبي والسادات الزمان

ابهذا الدعاء مني اسمعه واستجب ليه
واللي انلطمت والضلع منها تكسر
واللي انذبح عطشان برض الغاضريه
فرج اهمومي وبالحشر نجني امن النار
وكل من سلك نهج النبي خير البريه
وحاربوا الهادي محمد وآله الطيبين
ما خاب من لك قصد يا رب البريه
والملتقى اوياكم مع جزئنا الثاني
ازكى صلاة وادعوا بالتوفيق ليه

اللهم صل على محمد وآل محمد وعلم بنجم

أشرف على هذا الديوان، الخطيب الكبير ملا محمد جعفر الشيخ
محسن العرب، والأخ محمد حسن ملا منصور الشهابي جزاهما الله
عنا خيراً، والحمد لله صلى الله على محمد وآله الطاهرين.

صلاح ملا منصور الشهابي

رقم الايداع بالمكتبة المنامة
١١٧٨ د.ع / ١٩٩٢ م
دولة البحرين

